

遵義胡氏宗譜

卷六之卷十一





遵義胡氏宗譜卷六

誥敕



陝西道監察御史胡松同妻敕命一道

奉天承運皇帝敕曰朝廷設監察御史俾治理烏臺欲其明邦憲以正紀綱糾官邪以勵風教責為獨重用貴得人爾陝西道監察御史胡松績學明經蜚聲甲第司刑劇郡擢職憲臺奉公竭獻納之猷按部展激揚之志錄其勞效錫以寵名茲特進爾階文林郎錫之勅命於戲為政莫難於風紀已徵名績之良守官務在於忠勤尚慎始終之節勉膺予訓嗣有超登欽哉

敕曰人臣盡職業以效於國朝廷推錫命以榮其妻蓋以敦風化之源明齊體之義也陝西道監察御史胡松妻汪氏婦道聿修夫賢有助官登顯列爾宜並榮茲特封為孺人祇服寵光永延休賁 嘉靖元年五月十三日

陝西道監察御史胡松父母敕命一道

奉天承運皇帝敕曰義重君臣慎爵祿以勸有位親惟父子推錫命以體至情



倫理是敦彝章具在爾胡淳乃陝西道監察御史松之父執德有恆抱才弗顯
篤生賢子爲國良臣推厥本原宜加恩典茲特封爲文林郎陝西道監察御史
顯服寵恩永綏祿養

敕曰母道本於鞠育有教斯存君寵重於褒崇惟臣是勸顧忠孝之一致乃上
下之相須也爾方氏乃陝西道監察御史胡松之母夙勤慈訓致子顯庸滂澤
求源靡施弗報旣懋官以酬其往勤必錫命以厚其所親茲特封爲孺人渙號
是承康寧永錫 嘉靖元年五月十三日

雲南布政使司右參政胡松同妻誥命一道


奉天承運皇帝制曰朕惟民爲邦本本固邦寧方岳之臣其敢不重近者特簡
時彥往往佐藩服庶幾倡率郡國與我共理爾雲南布政使司右參政胡松育德
慎修遜志典學粵自舉進士佐郡刑執政者言爾經德不同守法專固召居六
察俾攝懿綱顧以抗疏忤時仍黜郡士念爾忠悃擢任大邦尋晉秩於憲臺薦
升華於藩轄八閩遐壤迄被恩威及分憲車往使汴臬簡孚審克茂著祥刑頃

念滇南萬里民不堪命雲霓延頸俟爾來旬肆爾導化有方綏來無閒俾朕無
畎晦之憂而百姓遂閭閻之樂者惟爾良牧是嘉茲以大享覃恩特進爾階中
大夫錫之誥命其尙少安以俟殊擢

制曰朕登進方岳懋圖治理退省厥私有召南之風焉非內有相貳何以致此
爾雲南布政使司右參政胡松妻封孺人汪氏出自令族來嬪儒英勤儉有儀
惠和無迕用能弼相夫子著績大藩女德婦道實兼備焉茲特加封爲淑人式
敦交愛純嘏爾常 嘉靖十八年閏七月二十八日

雲南布政使司右參政胡松祖父母誥命一道

奉天承運皇帝制曰朕惟萬物本乎天人本乎祖日者躬禋泰畤燕及皇天惟
茲方岳之良蕃宣茂績顧何愛便繁之澤而不以推及其祖乎爾義官胡有明
乃雲南布政使司右參政松之祖父隱德弗耀篤行有恆義聞朝廷榮沾命服
鍾祥嗣世振美亢宗顧今藩牧之良實爾詒謀之懿德善之報匪朕所私茲特
贈爲中大夫雲南布政使司右參政其啓方來時承渚渥




制曰秉德啓祚是曰祖功燕翼之恩伉儷均重然非朝廷廣追崇之典亦何以
亟遂其烝畀之榮爾馮氏乃雲南布政使司右參政胡松之祖母慈祥成性徽
懿嗣音襄義績於良人昌慶符於哲系集有戩穀茂衍孫枝福既綏其室家澤
宜滲於泉戶茲特贈爲淑人九原有知尙其享此 嘉靖十八年閏七月二十
八日

雲南布政使司右參政胡松父母誥命一道

奉天承運皇帝制曰朕受眷自天布澤及下褒崇之典旣徧於廷寮錫類之恩
宜加於岳牧爾封文林郎陝西道監察御史胡淳乃雲南布政使司右參政松
之父雅懷端亮令德高明道欲希乎古人風能敦乎薄俗篤生偉器爲國俊龐
行業才猷朕方簡用爾之德壽良足自怡茲特加封爲中大夫雲南布政使司
右參政祗沐國恩益隆家慶

制曰孟氏以父母俱存爲樂詩人以君子偕老相期此人生之至願物理之難
必者也我有賢臣萃此具美爾封孺人方氏乃雲南布政使司右參政胡松之



母柔嘉徽懿克濟夫剛慈惠莊嚴能成子德子今晉貴夫亦偕榮慶賜駢繁誠
爲世罕茲特加封爲淑人並沐顯休永綏祿養 嘉靖十八年閏七月二十八
日


敕諭

敕陝西道監察御史胡松清理山東軍政

朕惟國家重務莫先兵政往年爲因各處衛所軍伍有缺特選差御史前去清
理初閒亦多用心後竟因循怠慢視爲泛常遂致軍伍空缺無異於前今邊務
方殷足兵一事實不可緩特簡命爾往山東專一提督各該委官清理務在勤
謹精詳盡心竭慮欺者正之枉者辯之須使人無嗟怨法無紛擾奸弊不能作
詭計無所施軍伍有充足之效兵政無廢弛之患斯稱朕委任之意如或因循
苟且虛應故事日後稽爾所行以憑黜陟爾其敬之慎之所有合行事宜悉照
榜例與軍政條例及兵部見擬事件施行 正德十五年八月十二日

敕諭山東清軍監察御史胡松

國家禦侮克敵全資軍器其造作程式俱有舊章歲造之數亦有定額但因法久弊生存留起解事例不一所司不能用心督理以致下人夤緣爲奸漫無稽攷今命爾不妨清軍親詣各該地方弔取都布按三司並各衛所府州縣卷簿到官除經弘治十八年查盤過並奉例修改開除過卷案明白者不查外將接續以後年分每歲成造軍器及修理遠年堪用軍器逐一查盤見在貯庫若干各守禦城堡關隘等處與聽調團操巡捕等兵領用若干陸續起解過若干比照原額果否足數如有不足卽查奉何事例減免有何明文支銷追究明白若有司拖欠物料及被水火盜賊有顯跡者除罪名赦宥外各要多方處置賠補仍嚴督經該掌印官員查催軍民該辦料價並歲辦鐵課餘丁採辦料物如期交納毋致拖欠及比併管局攢造人員按季如法成造收庫合用料物俱要真正扣數領用不許冒破多領若各該有司並經手局造人員敢有似前拖欠遲悞造不如法及通同侵尅物料那移作弊並私役賣放軍匠等弊者就便查提監追立限比併照依節年題准降級充軍事例應拿問者就彼拿問應參奏者



參奏定奪其清查催造過軍器係各邊衛所存留備用者卽會同撫按等官將各該城堡關鎮等處守禦征調等兵一一清查除原額堪用按給外損缺者照數補給每三年一次查驗兌換如有警急用使損失者卽時查明補給兌下損壞械器設法修完與年例所造相兼支用其神鎗銃炮火藥等器係京庫頒降之物如有損失缺用另行會官勘實奏請給發係腹裏地方者轉行都布二司差委的當人役嚴限解部發庫交納敕內該載不盡者查照該部題准事理施行事完之日通將給散起解查處追究過數目緣由造冊奏繳爾爲憲臣受茲委任須不憚勞躬親遍歷校閱務臻實效毋致循習故常展轉委託虛應故事自貽罪愆爾其欽承之故敕 正德十六年五月初七日


敕福建按察司分巡福寧道僉事胡松兼理兵備事務

敕福建按察司福寧道分巡官興化等府西北依山東南際海地狹人稠武備廢弛近年以來盜賊往往生發流劫鄉村殺人劫財如履無人之境雖設府衛軍快但兵非素練整飭無人以致盜賊常至縱橫地方被其殘害今特命爾不

妨分巡兼理兵備事務帶領家小常在泉州府駐劄不時往來巡歷福州興化等處地方提調軍衛有司官員操練軍快整理器械防禦盜賊保障居民問理詞訟禁革奸弊遇有盜賊生發就便督同所屬會同鄰境守巡兵備等官行令附近衛所府州縣巡捕官員互相傳報併力緝捕務期盡絕毋令滋蔓貽患地方軍民職官敢有抗違誤事輕則聽爾量情懲治重則參奏提問爾爲憲臣受茲委任須持廉秉公殫心竭慮務俾武備修舉方隅寧靖斯不負此專責如或因循怠玩致誤事機責有攸歸爾其慎之慎之故敕 嘉靖十二年三月初七日

敕都察院右副都御史胡松總理河道


敕都察院右副都御史胡松近年沛縣迤北漕河屢被黃河衝決已經差官整理但恐河勢變遷無常漕河不時淤塞有妨糧運今特命爾前去總理河道督率管河管洪管泉管閘郎中員外郎主事及各該三司軍衛有司掌印守巡並管河副使臨沂州大名曹濮等處兵備等官時常往來親歷多方經畫遇有



淤塞之處務要挑濬深廣其黃河北岸長隄竝各該隄岸應修築者亦要着實
用工修築高厚以爲先事預防之計如各該地方遇有水患即便相度訪究水
源可以開通分殺並可築塞隄防處所仍嚴督各該官員斟酌量事勢緩急定限
工程久近分投用工作急修理一應合用工價人夫椿草等項查照該部題准
事理行令各該軍衛有司照常斟酌調用凡修河事宜敕內該載未盡者俱聽
爾便宜處置若事關漕運應與各該撫按計議者計議而行事體重大者奏請
定奪承委官員果能勤勞集事著有成績者爾卽薦舉擢用其不遵約束乖方
悞事及有權豪勢要之家侵占阻絕違例盜決河防應拿問者徑自拿問應叅
奏者叅奏治罪每年終照例將挑濬修築過河隄並用過夫料數目造冊畫圖
貼說具奏爾爲憲臣受茲專委尤須竭忠盡力悉心區處毋或因循怠玩虛費
財力責有所歸爾其慎之故敕 嘉靖二十六年六月初十日

敕諭都察院右副都御史胡松總督漕運兼巡撫鳳陽等處地方

皇帝敕諭都察院右副都御史胡松今特命爾總督漕運與總兵官署都督僉



事萬表參將署都指揮僉事賈席同理其事務在同心規畫禁革姦弊運糧官軍有犯自指揮以下輕則量情懲治重則拿送巡按巡河御史及原差問刑官處問理照例發落都指揮有犯具奏拿問若刁潑官軍乘機誣告對證涉虛者治以重罪自通州至揚州一帶水利有當蓄洩者嚴督該管官司並巡河御史管河管洪郎中設法用工築塞疏濬以便糧運仍兼巡撫鳳陽淮安揚州廬州四府徐滁和三州地方撫安軍民禁防盜賊清理鹽課賑濟饑荒城垣坍塌隨時修整守城官軍以時操練或有盜賊生發鹽徒強橫即便相機設法撫捕衛所府州縣官員有廉能公正者量加獎勵貪酷不才者從公黜罰凡事有利於軍民者悉聽爾便宜處置朝廷以爾素有才望特茲簡用須殫心竭慮輸忠效勞凡百舉措務合時宜俾運道無誤軍民安妥盜賊並息地方寧靖斯爾委任如或乖方誤事責有所歸爾其欽承朕命毋忽故諭 嘉靖二十七年三月十八日

諭祭諭葬文

諭祭葬原任工部尚書胡松文

皇帝遣直隸徽州府知府蕭敏道同知丁應賓推官舒邦儒諭祭原任工部尚書胡松文曰惟卿擢秀賢科服官郡理簡居臺憲糾劾不避權豪更陟臬藩勤敏克裨任使暨登開府效績河漕乃升卿貳之班遂正司空之席歷敷中外久著聲猷爰以陳情得從休致方冀林邱之燕樂遽聞館舍之棄捐茲舉彝章特頒祭葬卹恩孔渥尙克歆承

下葬文曰卿昔居崇臚勞勩有聞晚遂怡閒縉紳推重奄茲長逝窀穸修臨諭祭載頒式備終始卿靈如在尙克慰歆 萬歷三年四月初九日


宗杰謹按萬歷二年閏十二月二十日大宗伯萬公世和奏請卹典疏其略云查得大明會典兩京二品文官病故祭二壇造墳安葬又查得比例贈諡前奉孝宗皇帝聖旨乞恩賜諡務合公論不許

比例濫請今該前因通查案呈到部據原任工部尚書胡某致仕在家病故撫按官會題前來合照例諭祭諭葬恭候命下行翰林院撰文直隸徽州府資給官錢買辦祭物就遣本府堂官致祭如禮

又行工部照例造墳安葬所據賜諡奉有孝宗皇帝聖旨未敢擅擬伏乞聖裁奏入二十三日奉聖旨胡某准照例予祭葬欽此據此公官二品賜祭賜葬例亦賜諡以有孝宗諭旨禮臣不敢擬請故

祭葬之命下而易名之典尙有待於特恩也疏文繁蕪不備錄其大略如右宗杰又按公有祠堂在今西市積慶坊之左卽尙書府故地也先是公官尙書時績溪令李公位申請巡撫中丞巡按侍

御張公烜孫公文錫董公鯤郡守李公天寵陶公承學以縣之燕館廢址爲公府第大司馬趙公大佑爲書扁曰光啓堂及公薨旣葬邑之父老沐浴公之德業請於邑令陳公嘉策許公宏光黃公櫟



遵義胡氏宗譜卷七

行實

按據事直書謂之行實行狀舉凡傳記銘等皆以此為根據而潤色之也故系圖之後先行實行狀而傳記銘等次之

一世祖清公 居浙湖州烏程性多讀書慷慨有大節當宋之南遷也□□日

尋□干戈公□與隣□思避地焉乃至績之十都見其山川明麗遠□乃曰

此可以遠害此可以開後乃卜居焉問舍求田廓基考室以為創啓圖三年

即成聚矣今子姓芄芄而艱貞振勵之操謂非公之所貽乎據舊譜謂 宋

胡瑗安定先生為湖州教授即吳興也遂居吳興先生歿葬湖州烏程之西


蓮塢男三即珙也琿也瓏也十四傳至起崙起岩起崙生元範元範生晡晡

生恭恭生三子曰清曰澄曰淵淵遷蘇州之東門山澄遷休寧西之石山口

清即我 公遷之績也其舊譜所載類如此故遂及之以見我 公之承授

有所自而不佞松職在冬官卿乃祖之所貽尤耿耿云卒葬十都黃土澤之

原 配方氏孺人其籍貫遠不可稽 從 公自浙之烏程遷績之下鄉其



遠揭之勞創業之艱聞其朴儉柔順頓慮萬狀以開此繁衍也不無內德之助云葬十都點筆塘山之陽男一 良叔

九世祖 珉公字碧山小名冬細三公長子讀書好古有隱者之操幼即口敏

長誦史籍概之乎經術皆有聞焉不務奔謁自藏於口修鹿門之遺迹架岩

楯口其即昔人之所謂耕牧口山之陽者也有隱德焉配汪氏合葬十都外

塘岱之原男三長謙次四十次丙

咸按鈔本敏字上為傲字修字上為畔字楯字下為葬字耕牧下為河字疑筆悞姑闕之

十一世祖 日嚴公字仁卿即名福清謙公之子好讀古書雅尚禮節鄉人宗


之恢廓有大志其鄉之居也乃曰此其幽幽者也又何其泯泯也邑屋固聲

名文物之所聚者也詩書衣冠之所簇者也居於斯者不有奮而興者乎元

季時遂自十都之胡村復遷邑市東之遵義坊坊據邑之中風氣尤為完密

其址眾其價昂 公不吝圖之遂修址若干畝使子姓可廣居焉邑遂稱為

遵義坊胡氏十都之村自 清公始稱遵義胡氏自 公始松之所以叨



綸命之光榮皆公之所創址也尤景仰之不敢一息而忘焉配 吳氏孺

人助我 公自十都遷邑之遵義坊 孺人蓋自日夜操井臼提揭閭內

以佐 日嚴公構堂結室備徒具工蒐然以具門戶內外整整以次第成業

孺人蓋所謂兢兢者歟合葬十都外坦頭之原男三長立志即名勝保次原

即名趙保三善即名佛保

咸按以上行實三篇皆十八世松公所作二十世某公手抄而未書名清光緒間嗣運為始遷祖立傳及序譜後即以此為根據也二十世距十八世甚近而輾轉抄寫已不免有脫訛今謹照錄甯仍其闕不敢擅為增改且俟後之人考證焉

行狀

屏嶼胡公行狀

嘉靖初選貢授嚴州府通判著有方山集 胡文彬 字仲質同邑人

翁曾祖景和公會祖母吳氏祖庸公祖母汪氏父有明公贈雲南布政使司右

叅政母馮氏贈淑人翁諱淳字孟熙別號屏嶼其先浙之吳興烏程人宋中葉


諱清者始籍于績之下鄉十都名曰胡村十二傳至需樂子原公于洪武間以

才行選舉歷官山東嶧州吏目福建興化幕史攝布政使司理問所事擢廣西

桂林府知事原生士俊公任廣西容縣知縣實翁之高祖也翁以長子承菴公貴嘉靖元年封文林郎陝西道監察御史嘉靖十八年加封中大夫雲南布政使司右叅政翁少奉東園公訓讀書爲文恂恂雅飭有儒者風度故雖由散人服豸服起拜應對率閑禮度若素官于朝者見者莫不敬而慕之且韜晦持重不作時俗營身肥家之計府縣足跡罕到或不得已以公事至府城閩人持刺入曰某封君則倒屣以迎憲院重臣時往拜翁于廬聞翁高致至有以風俗興革請者翁竟退讓不爲一言登車嘆息共言其賢承菴筮仕嘉興府推官歸過其家翁命之曰慎爾心勤爾事常祿外一物入吾門非吾子也三年內召爲陝西監察御史翁遺書勉以事君大義出按齊魯期年以病得告家食五年父子相樂人或有勸翁促承菴以北上者翁曰竊祿以榮身而怠于事君非忠也躁進以求達而昧于保身非智也出處時義兒自了之吾何與也丁亥承菴始起病爲浙江道監察御史時有廢儉謀進臺諫噤不敢言承菴獨抗疏必退儉直聲震天下鄉人謂天子怒不可測爲翁危之翁曰諫諍職也死生命也俟之而

已奈何未幾得薄責謫廉州府推官廉去家幾萬里翁益勉以事君臨民盡忠所事略無幾微見于顏面自是參藩臬總臺憲爲卿長貳居官善政立朝大節卓絕搢紳間雖承菴公之賢爲不可及而翁教誨之功亦自不可誣也婺源潘大司馬嘗贈翁以文謂子之能仕父教之忠至相與評六邑封君必以翁爲首云翁性質直無外飾惡不仁獨嚴見人之非輒面斥之不爲背後言里中有不平事亦多求平于翁翁爲剖分曲直必以理無少回護人亦往往悅服去曾有無賴少年夜盜家園瓜果者又有夜穿垣屋盜器貨者翁兩獲之或勸訟之官翁曰貧故耳竟置不問邑北十里巖下往來通道每墮石殺人議者欲爲梁以避險費可五百金未有任其責者翁先君東園公嘗欲捐貲以濟人翁乃倡弟姪輩買石爲之以成東園公之志邑城南通道千餘尺傾塌凹陷行者病之翁更買石命工修爲坦途親友宗族有不足者翁輒周之舉之人賴以舉火多不令出息其好施予如此黃潭黃憲副謂翁好施予有西漢長者風挾天章橫金帶亞方伯以致今日休亦天有以報之也翁孝友慈愛事東園公最謹兄弟多

以財相讓不欲傷東園公之心季弟早喪遺孤最少翁撫之如子今雖成立凡事猶諮而後行教子有義方之訓而不爲嚴厲之色家庭間于于相樂人乍見之至有疑爲兄弟者長子出事君次子理家政皆能以志爲養而翁徜徉夷猶一無所事獨與戴竹菴許廷恭周光霽章循之程樸齋胡咏竹周希齋汪柳溪許澗洲張前山馮泉山諸君爲林泉之會每逢風日清和輒釀飲賦詩爲樂人謂香山耆英不能遠過也自是又數年次子先翁卒承菴方官廣藩家事多翁主之而諸孫又少翁漸次綜理寬嚴適宜綽有矩度內外整飭巨細不遺雖不屑爲銖兩之算而錢穀出納人莫敢欺延師以誨諸孫不令習見驕貴之態翁豈獨精神不可及其才能亦自不可及也未幾承菴召爲戶曹卿念翁不欲去歸見翁以致政請翁曰吾老矣兒歸良是然君命不可緩吾自度吾精神差勝諸孫漸長進亦有足任吾事者兒且去豈可以家忘國哉乃受命以行後二年而翁且八十矣翁乃細書長幅令承菴勿歸承菴執書以泣以告其同寅大司徒樸溪潘公公爲之喜曰上壽壽世今尊翁安享天年俾君曳履霄漢之上以



祚國脉壽民命樹不朽名皆翁之慶也遂爲之文以獻而爲承菴致百年之觴
既奉以爲翁壽明年承菴懇疏乞休得致政歸萬里歸來白首相聚悲懼不自
持自是日陪杖履朝夕不離一日登靈山薄暮方歸肩輿入城觀者夾道莫不
嘖嘖稱嘆謂天壤間至榮大樂聚于翁家彬亦從旁竊視之乃謂之曰此豈獨
翁一家之榮與樂哉壽星遨遊人間國家太平之慶亦繫之也嘗欲效李伯時
爲圖以獻而恨彬之不能工於畫也噫嘻世之欲以一命榮其親而親不能待
之者多矣而况子以八座親以再命復相與嘻笑一堂無間哉信可謂天地完
人矣翁生于成化辛卯八月十六日申時卒于嘉靖癸丑十月十七日戌時享
年八十有三配方氏封孺人加封淑人賢明貞淑壽福與翁等先翁十年卒子
男二長松卽承菴正德甲戌進士歷官工部尙書娶汪次柏先翁八年卒娶周
孫男六廷烈大學生娶程廷休大學生娶周廷勳大學生娶許廷默娶汪廷廉
大學生娶張廷然聘孫孫女二長榮莊適邑南許家次福莊適邑北張烈翁鶴
化之日彬繫官嚴州不能會哭遣子誠弔持司空相公書來命狀于小子彬彬

惟翁平生好禮雖貴為顯官大夫未嘗有驕惰之容伶賤之工耕佃之夫待之皆有恩禮而于斯文尤加敬愛細而必謹老而愈恭彬獲知司空公翁亦以司空公之禮禮彬嘗侍坐司空公公多善政大節未嘗為一言間以問翁翁但唯唯謝不知昔歐公不言文章趙公不言政事人謂二公近道各不矜所長司空公誠二公之流而翁亦然所得為何如謂非近道者歟予于翁既慕且感嘗欲私為之傳以自致而况重以司空公之命故為之撰次大略如此若他日銘表則自有名公大手筆稔知翁者今雖無狀可也

胡母太淑人方氏行狀


嘉靖己未進士累官雲南大理府知府著有東屏文集

鄭

恭

字子安號東屏同邑人

太淑人姓方氏諱慕榮封雲南右參政屏嶼胡公之配廣東右布政使承菴胡子之母邑處士汲古齋方公岳之女母葛氏岳父思和思和父士旭皆世隱其德淑人年十八歸屏嶼公生二子長即胡子名松字茂卿承菴其號也聰敏夙成淑人因贊屏嶼公以贅師就學次柏字秀卿號節菴有幹才專屬家政胡子登甲戌進士第由浙江嘉興府推官擢拜侍御史嘉靖壬午淑人受封孺人既



而胡子得告復起補內臺以言事忤時調廣東廉州府推官尋遷同知江西廣信府事四轉爲雲南右參政淑人於是復進今封歲癸卯胡子由貴州按察使遷廣東右布政使道出江右得家報知淑人寢疾有日卽晨夜奔馳便道歸省旣抵家已不可爲矣竟以六月五日辰時棄世遡其生在成化辛卯正月十二日午時享年七十有三胡子娶孔靈汪伯和君女受封如淑人秀卿娶邑西周以宣君女先淑人卒孫男六人孫女二人維淑人生有至性加以母葛內則世閑陶毓醇懿十歲喪父痛母矢節熒然與居蚤夜痛哭幾致喪明後以告天獲愈甫笄治裝在室適罹回祿當嫁而奩儀未備無求無愧惟恪執婦道以主中饋平生寡言笑尤善處妯娌間家庭無閒言惟勤惟儉以相釐家政故家日以益殷喜施與諸有乞貸者自非力不能辦輒忻然應之無少吝色庸是大姑汪舅贈雲南右參政東園翁姑贈太淑人馮暨宗族鄉黨皆賢淑人以爲能婦弘治間汪患背疽醫云茲病膿毒根結非口吮弗瘳同輩或有難之者淑人輒身當之日吮數四遂獲痊愈嘉靖初馮患瘋痺積十餘年莫能起步淑人左右扶


掖凡諸飲食湯藥必躬必親至爲手滌中裙廁牘終始無怠初胡子在告家食者凡五年眷眷親養若不欲一旦輒離左右淑人強屬之曰爲子固當孝爲臣亦當忠忠所以爲孝也吾豈獨以孝而望汝哉汝弟能孝養弗貽汝憂汝慎毋違吾志胡子緣此爲復起計廉州之行去家且萬里淑人敦遣以義不爲世俗兒女之愛繼貳廣信以地近且便遣使迎養淑人與屏嶼公喜而偕往蓋不獨以祿養爲榮而義方之訓時寓于起居言笑者多矣嗚乎淑人其賢矣哉壽福兼隆哀榮兩至詎偶然也卜兆在縣南十都外塘岱以月日有待權厝西山之麓胡子哀慟稍間乃言於恭曰惟先妣之爲德子之所知也松茲顛隕昏瞶不能一一追記姑陳其一二託吾子狀之庸垂不朽恭與胡子生同里長同學舉亦同鄉誼屬通家且稔知淑人之德爲詳不敢以不文辭謹再拜敘次使他日誌墓君子得有所據云

明故工部尙書致仕進階榮祿大夫承菴胡公行狀

嘉靖丁未進士累官南京刑部尙書築有弇山園外號弇州山人著弇州山人正續四部彙撰此行狀時公方爲太僕寺卿

王世貞

字元美號鳳洲太倉人




徽有工部尚書胡公者諱松字茂卿別號承菴其郡之績溪人也先世自吳興而徙六世祖桂林府幕子原傳容縣令士俊士俊傳景和景和傳庸庸傳有明有明傳淳俱負隱德蓋至有明而以公贈至淳而以公封皆雲南參政有明娶于馮淳娶于方贈封皆淑人則公之祖母及母也公少長美風神善舉止其出入人固目屬之矣爲邑諸生工屬文正德癸酉舉應天試其明年甲戌成進士授嘉興推官亡何御史按嘉興部顧守訊謀囚大小云何守錯愕不知所對公從旁代對甚悉御史大奇之曰推受事未渠旬也而乃能爾卽奚難浙東西牒也自是有所按部輒挾公往而公以平反無害能佐御史威惠

明朱少傳國楨湧幢小品云績溪胡太司

空松號承菴先爲嘉興推官署印平湖適倭寇至議築城公夜入幕府曰民難與慮始請縛某居軍前禦倭民受某恩必相急乃可舉事從之民大震各任版築不閱月城完權奇之妙乃爾然非素得民心卽殺十署事官民何急焉同時有滁州胡柏泉亦名松官太宰宗杰按此事狀誌傳三文皆未載謹附著於此又按今平湖城內有公祠香火不絕蓋報築備倭之功也少傳之言其信 稱召入拜

陝西道御史嘗疏論臨清皇店謂中貴敬緹帥甯不當以嬖倖牟民利不報出按山東益矯矯持風裁墨吏咸望風解印綬去而會意有所不可移疾還里至肅皇帝之六年病良已復除浙江道王太原某者材臣也而儉故嘗比倖將彬

以臺抨戍矣時楊文忠廷和實當國而會桂文襄以言禮驟貴惡楊文忠而善太原假邊事薦之爲陝帥公極疏論太原併侵桂忤旨下遷廉州府推官時桂方貴倨甚御史程啓充周在至以論解公得杖北闕下而太原婁遷繼桂拜太宰人或謂公且無往公曰逐臣敢後計耶單車趣之任有守璫據民荔枝園者公奪之民璫戒是強項推不難宰臣而難我謹避之耳尋量移同知廣信府進福建按察僉事泉庫失千金持守者獄甚迫公獨疑之曰守者婁行子耳且盛夏單練安所取匿出窮詰之則攝倅與吏爲奸悉論如法永春吏人追嶺寇者道山鄉鄉人驚相拒卽縱擊捕得四十餘人以爲真寇自誣服公察其寃釋之衆大歡服尋卽其地分守爲布政司參議泉故有院以居癘疾者其地重勢家幾得之請於上移院城外島公獨持不可曰縣官念此曹且死衣廩之卒移島絕遠立斃爲人臣不能明上生德何居遂寢亡何以河南按察副使飭兵大名公爲大名益有聲遂進雲南右參政會以國慶獲錫典俄轉貴州按察使貴酋安萬銓有所任易棐者虎而翼御史屬萬銓從子仁爲致棐仁卽稱病公移書



諭之仁來見御史下仁獄夷衆鬩擁仁去洶洶且亂公重移書仁言利害甚切仁乃請罪縛槩自效事得解進廣東右布政使轉左以母憂歸服除仍故官屬歲祿用公筴全活老弱萬計拜都察院右副都御史督理河道再以故官總督漕運兼撫江北公之爲河道也前使詹者以河決議開趙皮寨支河殺水勢公謂開趙皮不如孫家渡近省費可十倍詹時佐司寇力阻之而其督漕時以淮新城據河衝時時潰版築公謂河不易抗宜徙而疏入海亦以遷去弗果然代公者後先卒用公議以濟公他所創轉漕法洗清江浦宿蠹著爲絜令又嘗疏罷淮安鳳陽二贖守鳳陽守行千金中貴人居間弗顧也公之入爲戶部右侍郎徙左及提督大倉俱未期遂拜工部尙書相嚴方重用事而伊王恣欲拓其洛陽邸計直且十萬金以十二賊嚴業許之矣公疏謂非祖宗制且時詘勿許便相嚴意不懌然卒無以奪也時虜大入寇而咸寧侯鸞以邊衆入衛得幸欲悉移其衆京師移武庫仗于營以便給調公謂邊兵外也而內武庫仗內也而外甚非所以重肘腋杜微慎防也執弗許公念部事日益棘而二憾無已時禍

且叵測惴惴成疾時對客立忽仆乃上疏乞骸骨詔許之公歸疾漸損而封參政公尚無恙公以歲時置酒會父宗舊奉觴上壽參政公歿而公執禮悲慕如少孺也友愛其弟柏痛不及公歸而逝語次輒嗚咽不自禁所循撫真猶子矣嘗病其族食指衆而室湫不能逮先損地爲樓六楹合族之主而叙居之曰禮可以義起也公既家居久而臺察守相干旄相屬公不復及私第默爲德於鄉而已都御史周公如斗御史劉公世曾嘗疏公齒德乞存問報聞公恂恂恭謹長者出入時徒步遇孺子與覲敵禮卽田父塵叟探歲功較物賈纒纒語不休也少爲詩與邊歷城貢方棠陵豪倡和在伯仲間行草流俊有法

宗杰謹按御定佩文齋書畫譜

第四十二卷書家傳云胡松字茂卿號承菴績溪人正德甲戌進士官至工部尙書行草流俊有法又注云弇州山人藁蓋據此行狀也

然務以自媿志而已不欲

有縉紳間聲公以弘治三年閏九月十四日生以隆慶六年七月二十有七日卒春秋八十有三嘗以隆慶廟恩進階當得一品配汪氏封淑人先公卒側室安氏程氏有丈夫子三廷烈太學生娶於程亦先卒次廷傑太學生娶於周皆淑人出也次廷默太學生娶於汪安出也女一適許家孫男九人堅塙壘增陞

舉陞臺岳孫女六人曾孫二人以鎮以鈐廷杰將舉公葬而屬同邑戴君偉略次其事來徵狀於不佞曰先公志也夫先公固知世有執事文矣不佞當己庚時嘗望見公顏色朝行中已又一接公緒論以爲恭儉搏節君子也虜大入公卿將相腰糗饋而口戎務卽致命遂志無踰此者公逡巡而陳乞骸之疏不自虞忤雖內迫於相嚴外迫於侯鸞而計無所之公固無匿力也天子方按朝籍而責九卿怠緩之罪非死而徙耳獨寬然縱公以其官歸知公無匿情也公歸二十餘載而用壽考功名終當時所謂公卿將相毋論若隔世卽虜亦再納款質子矣戴君又言公治河所部濟而濟有夏相父祠夏以屬公佯若弗聞也者夫公一論劾太宰再左權相抑悍王折倖侯幾身殉者數矣而卒不廢此豈亦天幸哉不佞竊負知公故不辭廷杰而爲狀以俟太史之采


明故封淑人胡母汪氏行狀

胡文彬

見前

淑人者司空尙書承菴胡公配也初以公貴敕封孺人又進誥封淑人云淑人姓汪氏汪氏世居孔靈與胡氏俱望于績溪締姻好如朱陳焉尙書公父封大

參政屏嶼翁母方太夫人生公時甚奇愛之慎擇厥儷聞汪伯和君之次女有
慧淑聲遂委禽焉及笄歸事胡氏恂恂孝敬恪執婦道翁與太夫人皆安之喜
曰吾得賢冢婦矣吾家其興乎公時爲學官弟子庠序之間駸駸有聲淑人贊
之就學愈益勤勵一歲之內歸者不數學專而優年甫念四爲歲癸酉遂舉于
鄉甲戌登進士第拜命推刑于嘉嘉故善地淑人從于嘉吳羅越綺一無所嗜
門庭肅然若不知有內人者公素勵清節而無復摧撓之賢能聲藉甚上下孚
信召入爲監察御史人咸謂公登第服官淑人中贊之力居多淑人初育一女
迺後連不育公逾三旬時未有子也翁與太夫人謂公宜置副室公乃置安氏
程氏淑人更從與成之無難色二氏感動于淑人於是皆知以嫡之禮事淑人
而淑人亦不以妾之分加二氏恩義若姊妹然和氣充庭則旣宜子矣乃安氏
則生子廷煒淑人生子廷烈相從于宦邸以遷秩便歸廷煒感危疾公憂之甚
淑人亦憂甚徬徨相對泣日夕更抱持出畏途冒大暑凡幾閱月不能廢燈就
寢雖其所生子時有啼泣聲不暇念也百計求瘳而竟不瘳哀慟至不能爲生



此其心惟知公之宜有子而寧知廷煒之非己子哉繼是淑人生子廷休安氏生子廷默淑人咸育爲己子三子于于亦不自知其爲某某出也公歷官最久淑人相從亦最久父母不能不憂離淑人念翁與太夫人之垂老也自是多以副室從公行而已獨留于家事其翁若姑雖其家多侍子而淑人所以事之者事罔大小必身親之求以代公事父母毋令離憂乃翁與太夫人亦各得其歡心無離憂太夫人一日忽疾作蓋年逾七袞矣淑人痛其姑又思姑不得見其子悄悄不離床第者逾時選醫慎藥禱神祈祇又籲天冀得公一歸以慰太夫人之心方是時公方在萬里外而太夫人危在旦夕欲一訣之誠難未幾公果以陟藩長道經其家舉家悲懼不自持相聚三閱月乃瞑目而逝人咸謂公厚德之報淑人積誠之感云含殮殯葬咸出公與淑人之手必誠必信求無悔與世之婦人女子畏憚死亡驚怖拘忌奔散而避匿者相去幾何也服闋四轉而公進秩地官亞卿取道亟省翁淑人曰吾力尙能事翁然翁老矣念公奈何公曰吾當圖歸耳再陟司空甫逾年懇疏乞休人咸謂公必得秩滿獲恩例以進

封其祖若父淑人曰死榮之孰若生樂之爲愈乎相公不久歸矣乃竟歸淑人大喜謂公官二品而翁年八秩相聚一堂元孫繞膝天下難之乃瞿瞿然手自治具務于洗腆日延賓親佐公與翁遊如是者三年而翁亦已倦憊考終正寢矣淑人助公以襄事于殯于殮附身附棺愈孝敬愈誠信猶之事太夫人之日蓋老而不替也淑人事舅姑撫諸子綜理家政若干年亦既勞瘁矣歲辛酉冢子廷烈不幸邁疾卒其生也扶之過勤死也哭之甚哀目漸以昏愈益鬱悶不可解逾年疾革而逝是爲歲壬戌也淑人性儉約慈愛自生長以至于歸雖均處富室而服勤茹辛始終一節若習于寒素不自知爲貴封淑人也至于供賓祭交宗姻則曲盡禮意憐阨窮恤鰥寡則不吝錫予有采蘋救喪之風焉族黨比隣或時忿爭淑人務排解之必寢而其心始安有犯其家者則曲爲遮護不令其家與較也下逮臧獲亦有恩禮食推其餘衣給以時服任不過其力遇有小過輒掩覆之終身不見其有詬詈鞭笞時也才識明習事事有備娣姒之間咸自以爲不及焉絲枲衣服必謹收襲菓品脯修必親區擇篋櫝圖書必謹韜

藏當其取用時咄啐可辨指點可得也人嘗傳言淑人從公輿行時閱輿人之奔荷而勞苦也惻然憐之往往推驛舍廩食分食之予嘗從公北上舟行次淮值莊敬太子之喪開篋檢素衣翻覆不可得公曰使吾淑人在舟中何至勞擾如此卽此二事而其性之慈愛才之明習大都可知也公于家事多不以經念雖其所務者大不屑屑于細小然亦以淑人內主之節約有方處置得宜咸克當公心自不至于撓慮焉耳卒之日惟以不及終事公爲恨而惓惓以屬之二氏子孫環立則諄諄以事詩書慎節約以毋墜先業爲教他語一未之及也淑人生弘治壬子九月四日卒嘉靖壬戌八月四日享年七十有一子三人長廷烈娶程氏太學生先淑人卒次廷然娶周氏太學生俱淑人出季廷默娶汪氏安氏出女二長適許案淑人出次字方未嫁而卒程氏出孫男九人孫女六人小子彬曰予嘗嘆女德之難而益知淑人之賢矣夫事舅姑惟孝事夫子惟順孝則不驕順則不妬婦人無是二者雖有他善咸後矣淑人則旣孝矣順矣而况性之慈愛才之明習又兼之可不謂難乎可不謂賢乎而公則又泣謂予曰

自吾淑人之亡而益知有吾淑人也往吾家居十餘年不問家事今家事不問不舉矣往吾閨闈器用已則收今則有棄擲不收者矣往吾衣服飲食燠寒飢渴先意中節今則弗取弗節矣往吾季子夜半生兒時誤以爲胎月未滿幾棄弗舉淑人聞婢子云有兒啼聲忙披衣衝寒冥行索衣溫抱之得無恙昨見其嬉戲愈益酸辛今縱有二妾無復有知輕重緩急若是者嗟淑人予其何能勿悲予其何能勿悲淑人懿德彬聞之里閭者如此乃今聆公之言卽其愛三子一念雖老而病不少衰益可以驗素心矣婦道母儀若淑人者咸罕其儷不爲之銘表揄揚則匪所儀于鄉邦匪獨以其貴爾也小子彬受知于公最深而其子廷休等將以後十有五年丁丑八月六日奉淑人之柩厝之五都高峯里龍朝灣山之陽以狀來請謹爲之撰次其大者如右當世立言君子必有以圖此者敬狀以俟

故處士節菴胡公行狀


嘉靖間歲貢官浙江寧波府訓導著有前山集

張

翱


字時舉同邑人

吾姻家節菴胡公不幸生五十一年死矣伯氏方伯承菴君哭之慟不忍爲狀



謂予宜爲之子亦惻然不能秉筆雖然予實知之非予其誰予宜狀公姓胡氏世居績之遵義坊諱柏字秀卿節菴其別號也曾大父諱庸妣汪氏大父諱有明贈雲南布政使司右參政妣馮氏贈淑人父諱淳號屏嶼封陝西道監察御史進封雲南布政使司右參政妣方氏封孺人進封淑人公幼穎敏與承菴君共爲問學人有元方季方之稱及承菴君舉進士公翻然曰吾父母以吾二人爲之子伯氏出而事君矣吾尙可以違吾親乎菽水之權誰則承之於是絕意仕進惟朝夕竭力以事屏嶼翁方淑人翁雅意山水公知其志先意順承之村莊野塢可以遊眺者公必創爲別墅以俟翁憩焉琴書圖畫翛然爲隱者之居蓋不獨以便斂散而已翁有林泉會皆鄉之大夫士出而歸老者公當風日佳麗必先往具酒殽輿致翁且輿致其會之人以相吟咏於是翁乃得恣意于山水間雖構榮隱堂力鉅而事殷公獨任之不一以嬰翁之念承菴君時歸省熟察公之能養嘗語友人曰吾之出也固不敢以有其身而敢以忘其親乎乃今有得于吾弟而吾可以無私憂吾幸矣吾幸矣母方淑人數有疾公調護備至

淑人以不及見伯氏爲慮公慰之曰天若假予不至相負未幾承菴君果以遷秩過其家留數月乃卒時淑人七袞有三也而公哭之甚哀公先是雖有疾兼之哀毀益以增劇故執親之喪服未闋而公亦告逝矣惜哉公志行慷慨識大節承菴君官御史時有廢儉謀進承菴君嘗疏斥之道路流聞將起儉者持衡人咸謂公曰而伯氏危矣若之何公笑曰吾伯氏出時父母兄弟必知其有今日矣臣職之不盡非家門之福也盡矣而或不幸而得禍于吾屬爲有光榮又何危乎乃不弔而爲書以賀且益堅其忠蓋之節承菴君得書喜曰某奉職無狀惟驚危父母爲恐弟能如此必有以安其心者今日之事庶幾兩無負乎承菴君筮仕最早官于朝者且三紀兒女婚嫁多公營之處其子與其猶子豐儉若一怡怡愉愉庭無間言承菴君知其然故其歸也置家事不問而公亦恬然處之不復以告人謂承菴君致身廊廟雖其分義之隆得于天性而父母之養兒女之懷一委之公不煩內顧良亦有以助之矣公邑鉅族世多田業每春秋之交鄉人待以耕穫者不啻百餘家公以時往調之不少倦吝積而能散蓋若




其性然者邑北十里許路出巖險之下天寒風冽冰石時墮行者危之欲改途
駕石爲橋以避斯險橋成必千金謀之有年事罔攸濟至公乃慨然曰吾志也
遂告迺翁若叔率諸弟爲之不踰年虹梁臥衝險難斯去往來頌焉其他橋梁
之修亭道之闢尙多有之捐己利人率類是然愈散愈積從容幹濟僅三十年
而家之饒益倍于其先其才略固可槩見人皆謂公之才之德必有厚其報者
故雖疾不謂其至是乃竟不可起矣其將逝也唯以不及終事屏嶼翁爲恨而
勉其兄以覆庇天下爲功百口共爨家事執掌絕口不言人尤以爲難夫樹德
者食報公杖于家而以考終不可不謂之福然非其至者諺有云不竟其祿子
孫之穀豈其鋪流而啜積者在于其後人耶嗚乎痛已配周氏有淑德先公三
年卒側室二潘氏王氏子三廷勳聘許君宇女廷廉聘張君應芳女廷然聘孫
君某女女一已歸吾子烈也生于弘治乙卯四月十三日卒于嘉靖乙巳七月
三日窆窆未卜將以十二月十七日厝之殯室勉述其行之大者他日得墓而
爲之銘表庶有此爲之案云

子肅胡公行狀

賜進士出身
知績溪縣事 雷

恒 字久也陝西人
康熙四十八年

公姓胡氏世居績城遵義坊諱懋恭子肅其號也曾大父諱至敬字堯封邑庠
 生妣程氏繼王氏大父諱允欽大學生妣葛氏父諱澤衍例選統制妣葛氏繼
 楊氏楊生六子入江寧籍葛生子一即公公之平生宅衷制行一本于誠良足
 述焉公幼聰明岸異英敏絕倫鷄窗勤篤期許不凡逮長溫惠柔嘉和平坦易
 德性堅定品度端凝每以樸儉勤勉自持至于修橋路焚借券襟懷慷慨世咸
 稱為謙謙君子此公之誠以持躬也公三歲失恃事祖母葛以孝聞生則定省
 致其慇恭歿則蘊藻昭其豐潔繼志述事罔不畢備此公之誠以事上也公敬
 宗睦族賑寡恤孤直而能容犯而不較無偏無黨不矜不伐待尊長以和導卑
 幼以義此公之誠以處族黨也公與人交肅肅雍雍不欺侮貧賤不諂屈富貴
 勸善規過常成人之美濟急解紛忘在己之功此公之誠以交朋友也公遨遊
 江淮間每為名公巨卿仰望咸謂為有叔度高風即公之伯父浩衍洪衍洵衍
 亦皆器重公此公之誠足以感人也公對於一切事務經營矢公矢慎竭力勿




懈明足揆幾才足服衆處家庭則理煩治劇井井有條承祖遺基產而復擴之
此公之誠足以宏業也厥配孺人汪氏雅有賢聲鷄鳴戒旦鴻案相莊可稱內
助令嗣六長景燦郡庠生文宗永叔詩宗昌黎因號叔黎子著有紫陽詩文集
次景煬邑庠生品端學粹著有陰符經解三景灼四景燧大學生五景煊迪功
郎六景烜邑庠生均文壇望重蜚聲譽序舉目可俟孫念有一人悉爲瓊林玉
樹郁郁森森頭角崢嶸非同凡器此公之誠足以齊家而裕後也總上觀之公
之宅衷制行一本于誠彰彰若此古人謂德之隆者可以調年可以引福自宜
膺純嘏而享遐齡也康熙癸未迎鑾恩賚粟帛繪圖紀盛知縣高孝本已爲之
序今予與公令嗣景燦景煬交甚篤故謹爲之狀使他日誌墓者得有所據云

繼王母江太恭人行狀

孫位咸

先繼王母江恭人秉性慈祥識大體守志節治家以正不苟言笑先王父金甫
公王母余恭人繼王母卽江恭人余恭人生子二長宇和公諱定煦次諱定烈
公宇和公出嗣名泰公爲予本生父而定烈公早卒于是生父宇和公卽以位

彭爲之後以慰江恭人心蓋恭人正青年守節耳旋以位彭年四十尙未有子
恭人竊憂之顧謂生父曰爾有子六人曷弗更繼一子爲我孫耶於是復以予
嗣定烈公重承恭人意也先是洪楊之亂生父舉家倉皇逃避至遂安縣止焉
生父乃子身歸里瀕行恭人以銀幣五納敝裘中語之曰我等居此可以苟安
行路難汝姑持此以備不時之需維時風鶴頻驚遍地荆棘生父晝伏夜行一
日正行間塗人譁言賊至急匿巖穴中爲賊探所得獻裘幣免焉匿如故有頃
賊復來生父曰金盡吾休矣仰視之卽前探探曰咱首領今晚將大舉搜山汝
匿此恐不免宜速去且示之塗此殆天幸然不可謂非恭人之賜也平生不私
一錢間嘗出其膳養之產典釵質珥以爲膏火公車之助予非祖母無以有今
日其持大體如此有清末造予兄弟相繼出宰論者咸以此爲致富之官恢復
舊業如反手耳獨恭人戒之曰爾祖若父耗盡心血爲爾等讀書今幸成名宜
以民事爲重如有妄取一非分之錢者非胡氏子孫其訓後以正如此平居好
稱人之善不道人之惡終其身無疾言遽色雖賤如乞丐未嘗輕於一噓微如




雞犬未嘗輕於一蹴馭僕婢下人主寬大卽有冥頑性成無故干犯之者輒怒置之曰若禽獸也又何難焉然責備賢者不稍寬假以故一門之內偶有嘻笑恭人至則肅然其生而厚重如此晚年孫曾欲請留一像恭人曰爾祖父尙未有像也我像焉置耶乃不敢請而退平日非整其裙履不出戶庭一步嘗曰雖百歲終屬婦人身也其持躬謹嚴如此享壽八十又八歲以無疾終語云和氣致祥厚德載福若恭人者其庶幾乎

字和胡公行狀

前國務總理司法交通財政總長大理院長奉天民政長福建巡按使安徽省長現任賑務委員會委員長 許世英 民國甲戌年

有清贈君胡公者字字和諱定煦績溪縣人佐岐澤山昆仲之先德也今胡氏族人方議續修譜牒事以澤山爲編纂澤山乃謹述公行事要余一言以狀之余與佐岐昆仲爲丁酉同年於澤山同宦京師共事久余未知公以知澤山昆仲者知公蓋有是父乃有是子此理之無或爽者余安得以不文辭胡氏安定後宋南渡時自湖州吳興徙績溪之高車曰胡村二十七傳而至公公考諱名

泰者以商業起家營資生藥店於屯溪洪楊劫後公能世其業而光大之遂家焉公處己儉而待人接物厚平生致力于肯吃虧三字以讓德稱或以其讓也故廷之光緒初年公以績溪爲祖宗邱墓之區爰于城之中營度位處築屋數椽爲菟裘計屋鄰某氏廢址鄰固好事者瞰其成也而壞公垣公戒家人曰是不可撓也勿與難而自繕完焉又以古君子將營宮室宗廟爲先乃倡修祠宇並及族中邱墓之無歸者鳩工庀材獨任其責祠成對于續譜祧主諸事業有成說卒以格于族人異議者而止於戲公商人也以勤儉積累之餘有志於治祠事而族之人反或有起而尼之者致不克竟其志良可慨矣雖然公志未竟而祠宇治否則圯毀之久勢將鞠爲茂草然則今日之舉能收事半功倍之效者公之力其可沒耶公歿四十餘年族之人知譜之不容或緩也爲復續計以澤山爲編纂澤山爲前清名進士今從族人之請以成先人之志於戲胡氏祠事公未能及身而成而成於其子公之願亦足慰矣公以子貴馳贈朝議大夫禮部主事元配周氏繼配程氏皆恭人有丈夫子六長次三周出四五六程出



女三亦程出公早歲經兵燹以不及讀書爲苦故延師教子不遺餘力長男位
台廩膳生先公卒次位彭附貢生三位品四位召皆國學生五位周以丁酉拔
貢知鎮洋縣事六位咸壬寅舉於鄉癸卯連捷成進士由禮部主事出知長寧
縣事長女適同邑汪次適程三適葛至今有孫男十曾孫九玄孫二是蓋公義
方所致殆亦食肯吃虧之報歟不佞忝屬年家子故謹狀以歸之公生于嘉慶
庚辰年十一月初八日歿于光緒丙戌年十月初六日享春秋六十又七云

定安公暨方宜人行狀

位咸


定安公字允恭少家貧初習錢業嗣改業藥材創椿記藥棧于屯溪時髮匪恠
定地方善後事繁商界推公爲商董如設粥廠招清道伏購消防器種種公益
事次第畢舉光緒中倡修屯溪大橋爲建橋亭安置水龍事與隆阜戴姓涉訟
累年備嘗艱瘁卒獲直蓋橋亭公物也水龍公益也公蓋爲屯溪訟非爲私訟
也又精堪輿術績溪本支祖塋無論已葬未葬者盡舉而遷之休甯于是乎宅
兆安焉元配方宜人孝事翁姑親病篤刲股以療之病尋愈謂爲孝思之格非

進善堂日記
一 恆 庸 堂
耶繼配二皆張氏子位齊方出孫裕經畢業於徽州農業學校曾孫三嗣芬嗣
斌嗣憲公生於道光丙戌卒於光緒甲午享壽六十又九云位咸就裕經述並
舉所見者而叙其大概如此

位周行狀

胞弟位咸

先兄位周字佐岐生于同治庚午以拔貢出宰鎮洋鼎革後家居不出己巳卒
于家卒年六十焉按余族爲安定先生後自始遷祖清公由湖州遷績溪傳二
十世祖毓和公分支爲臺憲第派孺人汪氏遺腹生鉉公爲明廩膳生明社屋
樓居十年終以身殉再傳至高祖承聰公會祖正明公祖名泰公父定煦公俱
以商傳家蓋至兄始登仕版焉兄生而聰穎敦孝友尙廉介勵氣節弱冠露頭
角吾父望之切延休甯汪倬雲夫子教予兄弟讀館于家者垂二十年夫子見
兄慧以其子妻之嘗謂吾父曰及門諸生惟二子有厚望耳兄年十六充博士
弟子員旋食廩選光緒丁酉科拔貢生時年二十八長于予五歲與予共讀久
嘗以其私淑于師氏者授予是予之幸一第捷南宮者兄與有力焉兄出仕之



始隸山東省以親老告改隸江蘇省歷長江南格致書院實業學堂時彥多所
造就宣統己酉知鎮洋縣事鎮洋屬太倉州時州吏因公離職兄以一身兼攝
州事而政閒訟簡囹圄草生治後有園數畝日惟栽花種果以爲常幾于不下
堂而治焉辛亥以後杜門家居絕口不談時事時吾母年已七十七矣藉此承
歡膝下以樂餘年閒居惟以金石書畫自娛常入市見寸縑片瓦每樂購以歸
故入其室纍纍如列肆云不謂己巳二月間遭朱匪之劫屯溪全市爲墟吾家
受創尤慘資生藥店三苟巷居屋盡付一炬蓋予祖若父自道咸以來世治藥
業于斯吾兄弟又生于斯長于斯一七一箸悉在于斯舉累代心血之餘一朝
灰燼致一家數十口窮無所歸此固極人世所難堪者矣先是國事變遷需材
孔急或促之出兄婉言謝之嘗語家人曰吾祖宗有十年不下樓者矣時與四
兄約終身不斷髮所以明志也嫡配汪氏生女一適彭繼配程氏生子幼殤又
繼配汪氏生女一側室黃氏生女一時兄年逾五十有以立嗣勸者兄曰吾有
姪猶子也奚立爲己巳冬十月卒殮三日獲一遺腹孤說者咸以一髮千鈞爲


廉吏之報殊不知吾祖宗之十年樓居者卽以遺孤而開累業者也此豈偶然哉兄在地下可以對我祖矣後死者不有一言以記之是負吾兄也因謹爲之狀以俟後之論者

裕煌公行狀


姪嗣型

苑卿公諱裕煌位椿公之長子也家於林禽園幼及髮匪之亂家甚貧咸豐八年經叔父位勤薦引學商於松江東門外之新橋鎮汪合盛號臨行時一衣一履皆親族仗助之翌年父與弟以中葦毒卒於家叔父初不之告恐傷之也十年匪擾蘇松家中音問遂絕時叔父營同盛號於泗涇遂依之迨同治五年返里鄉之人多不相識急詢老母亦無知者蓋城陷時爲亂匪所衝散也於是亟走山谷間冀蹤跡之聲爲之嘶淚爲之竭足爲之繭而終不之值可憐幼年出門之日卽終身永訣之時痛何極耶十一年以半生辛苦血汗之積二百金創同盛西號幸邀天眷生意日以興起至光緒二年始成家二十一年卜居於張涇東街額其居曰則安蓋謂旣來之則安之也十餘年中男婚女嫁一切教養

之費悉一身任之非勤儉刻苦能有今日耶二十八年春返里掃墓而故居圯
毀蕩然無存乃謂鵬南曰吾家僅此祖遺基地請捐入東山書院以爲寒畯涓
滴之助可乎蓋鵬南時方主東山也公秉性忠直不趨附不苟且不貪得暇輒
觀書喜吟咏習書畫至老弗倦易簣之日猶諄諄以戒奢華習勤儉訓示子孫
公生於道光甲辰卒於民國十一年享壽七十又九云



公至成龍光甲元率兵圍十一卒專釋才才又次營其處所衝散也於其
 時者喜公亦留書書至矣其對是黃之日辭轉轉與無香華皆備命能才子將
 敵之也其平蓋歸南執衣望東山也公乘舟以有不敢謂不待且不食香則神
 變其然無神與兩船南回吾家對北臨其基以備賊入東山審其與為與與
 之難然一與打之非能命候吾備齊公計既二十六年春遊聖其基而地試就




遵義胡氏宗譜卷八

傳


始遷公本傳

三十世裔孫嗣運

始遷公諱清安定先生之後也先生諱瑗字翼之北宋人祖貫泰州海陵籍先為湖州教授仁宗天聖間與孫復別號泰山先生者同徵為國子監直講既居大學四方負囊受業者衆別賃官舍以授生徒焉訓人有法科條纖悉備具雖盛暑必公服坐堂上嚴師弟之禮時方尚詞賦先生獨立經義治事兩齋以敦實學每禮部得士先生弟子十居四五雖泰山先生無所軒輊焉與范文正公相友善卒葬湖州西蓮塢遂家焉始遷公初居湖州烏程性亦嗜經史慷慨明大節當宋之南遷也嘗以芻蕘獻策謂宜都荆襄以收物望不宜都臨安以失人心當道者斥之遂決然為林下游嘗言士君子不能立功於朝為君民建不磨之業亦當修德於野為子孫立不拔之基此際臨安逼近非所以垂裕後昆也時母弟淵已遷蘇州結東門山為舍公遂挈妻子來徽以徽處萬山之中可



以遠害全身道經休寧至石山口爲母弟澄卜居公獨來績之下鄉至高車見其山川明麗景物淳樸遂於是求田問舍廓基考室因字之曰胡村村之前有點筆塘公垂綸之所也每日投竿下流不以得魚爲樂以爲志不在此爾其後爲青天觀有時遊眺其間其子以公日徜徉於是頗安焉因室圯欲重落之公則曰天地吾廬也何役役爲多植梅於其上旣而麾之曰世人好結梅花侶誰識雲霞古誼高自號大雲居士然公雖負不羈之概課子弟獨醇謹臨卒猶寄言戒之曰男勤於耕耘女勤於織紵詩書無惡歲之名禮義有豐年之實毋作非爲毋懼重辟爲亂世之完人還吾躬之全璧嗟乎始遷公淵源安定家學相承觀其獻策數言與李宗諸公不謀而合深中南遷之害若使得憑尺寸其弘濟詎可量哉及爲當道所阻遂嘯傲林泉以垂裕計而來是邦今子姓繁衍所貽正未有艾也吾生也晚考公之軼事惻然想見其爲人嘗以庚申難遊歙東慶里遇有同宗者溯及淵源稱其始祖文清公亦安定四世孫以南宋高宗時作令新安遂家慶里亦字之曰胡村與我祖後先輝映然彼小試其才有封疆



之責而山林幽趣則我祖爲尤高云

尚書胡公傳

明史

胡松字茂卿績溪人正德九年進士嘉靖時爲御史桂萼薦王瓊松論之忤旨
謫廉州推官累官工部尚書伊王欲拓其洛陽府第計直十萬金以十二賊嚴
嵩期必得松據祖制爭乃止俺答入寇仇鸞以邊衆入衛欲悉召其衆實京師
移武庫仗於營便給調松言邊兵外也而內之武庫仗內也而外之非所以重
肘腋杜微慎防也執弗許尋引疾歸卒年八十三居家以孝友稱

尚書胡公傳

嘉靖甲辰進士累
官貴州左布政使


江

珍


字民璞號荆石
古歙人

公諱松字茂卿姓胡氏別號承菴其先吳興人後徙績溪有諱子原者仕爲桂
林府知事於公爲六世祖知事生士俊容縣知縣知縣生景和景和生庸庸生
有明以公貴贈參政配馮氏贈淑人生淳封參政配方氏封淑人以弘治庚戌
閏九月十四日生公公少穎異負雋才年二十四舉于鄉其明年甲戌登進士
第除嘉興府推官部使者行部讞獄視爰書問守守愕顧左右不能對公從旁

代守對使者所問甚悉部使者大奇之諸疑獄悉委公多所平反徵爲柱下史
慷慨言事無所避會嬖臣矯毅皇帝詔臨清爲市力請罷之又劾朱寧蕭敬陸
完諸不法事不報尋謝病歸又數年而當肅皇帝中興復徵爲柱下史至則言
桂萼引用王瓊比周爲黨忤旨謫廉州推官稍遷信州同知進福建僉事部署
漳泉州失帑金誣執守藏吏公廉得盜金者立出守藏吏一路驚伏咸稱神
明尋轉參議擢河南副使兵備大名已又參知雲南所至威行惠流聲稱藉甚
進貴州按察使貴州古西南夷桀黠難治公因其故俗以不治治之士酋有干
紀者御史不能禁公諭以禍福遂伏罪擢廣東右布政使尋轉左使會歲凶檄
有司發倉粟賑餓者全活數萬人拜都察院右副都御史治河治漕咸底績進
貳司徒已拜大司空伊庶人請拓府第先抵故相袁州袁州業已許諾疏下司
空公以非王章且長奢僭執奏不可忤袁州其年秋虜大入寇戎馬薄於畿甸
司空主繕給車器大將軍仇鸞陰蓄異志請屯其親兵輦轂下移內庫軍器便
宜給軍公引令格其議上以虜深入法大臣當事者袁州詐爲旨恫喝司空公



第坐部中自如已而詔下司空卒無預其後伊庶人敗鸞敗果如公言天官關
白政府其以司空進大司寇袁州以前郟沮公公既以廉正不容於時又念參
政公春秋高固引疾乞骸骨上優詔許之時天子明聖公卿大臣請告者坐謂
規避懷二心輒得罪公請獨被溫綸由其忠實心誠孚格人主非偶然也公既
歸而參政公尙康彊無恙公入子舍問安上壽時時從參政公爲田間遊金紫
輝映白髮相望蓋自郡中冠纓之族未有兩也又十餘年而當隆慶戊辰奉詔
進階一品縉紳諸生三老豪長者謁邑大夫請表公閭曰達尊明天子德意又
四年而公以天年終矣曆春秋八十有三公爲人沈毅貞固堅不可奪洪才偉
識超越倫輩既歷八座天下想聞其風采使究其蘊功業何可勝道遭時齟齬
未老懸車議者有蒼生之憾然優游林下二十餘年名實純粹慶流子孫於以
報公非淺鮮矣公配汪氏封淑人子男三人孫男九人曾孫二人江珍曰往從
公事肅皇帝見公扼腕談時事亟稱古大臣進退之節余深有味乎其言居無
何而公釋政歸矣豈誠有激於衷者耶方袁州竊柄三事大夫藉響競趨者豈



進義坊日定評
不愉快然卒不免於瑕疵獨公正色不同愼始令終則辨之早矣語曰貴其所
以貴者貴其謂是乎

節菴公傳

同邑優廩生著有華陽載筆梁安耆舊錄

胡肇昕

字曉庭


胡柏字秀卿號節菴尚書松同母弟也少與尚書並業舉尚書貴遂絕意進取
曰吾兄弟二人耳吾固有職也遂以色養爲己任作榮隱堂以娛親凡親意所
未到輒先將順之邑北有橋水圯費巨衆莫能任柏以親命獨力治之生平敬
老慈幼而尤軫恤孤寡稱貸者屬至周之必以親命無幾微德色里中資以舉
火者數百家嘉靖六年尚書疏論廢儉王瓊忤旨已而儉用且柄人咸謂尚書
危柏曰天子明聖容直臣如其罪焉職也臣而得職榮莫大焉親聞之意乃釋
及有旨謫廉州乃馳書賀其兄尚書得書乃釋然曰吾方奉職無狀而虞親之
不吾釋也何幸有吾弟而寬吾親哉吾兩無負矣尚書累以親老乞休柏遺書
責之曰家事弟任之何爲者尚書得旨省親居久之輒促其行會居母喪哀毀
過次疾革人謂君家百口何以貽之不答惟恨不能終子職而勉伯氏以宏濟

云兵部尚書張鏊銘其墓

毓和公汪孺人合傳

鉉公附

裔孫位咸



毓和公暨德配孺人汪氏爲我二十世分支之始祖族之人稱爲臺憲第派臺憲第者乃支祠之名稱也第之堂顏曰存心堂故又曰存心堂派溯自一世祖清公十八傳而有松柏楫格四派楫傳廷燿廷燿傳毓和毓和公爲明處士性質直淡於名利早卒汪孺人遺腹生孤是爲鉉公孺人時年方二十三歲耳是時惟尚書松公得人最盛我楫公再傳而後祇此一髮之繫亦云僅矣乃傳之數十百年之久子姓之繁衍垂二百人得居全族之半又何其盛耶按舊譜稱汪氏以青年守節撫孤事姑至孝鉉公以家貧餬口于四方家徒壁立姑婦二人相依爲命姑病篤孺人刲股以進不使姑知崇禎中奉詔旌褒備昭邑乘夫守節難撫孤尤難守節撫孤而孝姑則難之又難者孺人以弱女子而歷盡人世至難之事宜乎天之默鑒其苦心而啓我後人繼繼繩繩于無盡也舊譜又曰鉉公生性忠直學識堅卓幼承母訓長而食餼明社旣屋恥食清祿

隱居于存心堂之樓十餘年時時思復舊物未嘗一日忘明後見勢不可爲乃以身殉語云慷慨捐軀易從容殉節難鉉公一廩膳生耳非有社稷之寄也而光復之志經十餘年而不改而卒從容以殉使稍假以柄與勢天下事未可知是亦能爲其難者也嗚呼天地間之元氣惟忠與孝足以維持于不敝如孺人之事姑鉉公之死國是卽天地之元氣也然則我支派之繁衍獨維繫于存亡絕續之交以有今日者何莫非我祖之貽也耶

家昇公家理公家汲公家傳公合傳

裔孫位咸

家昇公家理公家汲公家傳公乃我臺憲第毓和公之孫遺腹鉉公之子第二十二世祖今稱爲四大房是也之四公者家旣貧而失怙早母氏黃又苦失明家昇公以邑庠生惟恃舌耕養母撫弟妻汪氏尤賢淑嘗粥釵珥以佐薪膳無怨色旣而家昇公出外就幕家事昇弟主持弟等亦能樹立家計日以光大而弟昆娣姒之間愈益和睦房無私蓄而食必同殮終身怡怡若孩提焉邑長吏李公滋陳公錫先後表其閭曰太和元氣爲全邑風家理公援例入登仕郎家

傳公候選州同家汲公爲處士一門孝友隣里鄉黨無間言初鉉公之歿也家傳公纔二歲耳嘗跣足見肘隨兄輩拾薪伐筍入市易米以供母吾常聞之曰有恆產者有恆心當處于救死不贍之頃而獨能治禮義尤爲難能而可貴矣慨自世風之偷也忠孝友愛得一已不易而我毓和孺人汪以孝姑聞遺腹公鉉以死國聞如四公者又以孝友聞累世相承兄友弟恭一門雍穆然後知我臺憲第自清初迄今傳之三百餘年而支蕃族衍蒸蒸日上者皆四公之承先裕後有以致之也

名教公傳


道光甲辰歲
貢著述甚富

汪


澤

字手存同邑人

公姓胡氏諱名教字政森別號萬富正坡翁第四子世居績城中正坊公性剛心直擗節明禮居家以孝友聞自失怙後奉侍母迥異常人溫清定省竭盡子職母稍有拂意色尤愉容尤婉慇懃趨事務必得其懽心而後已昆玉四公居末讓棗推梨尤惇式好性雖剛方溫溫克協墳簞花萼相依人言靡間蓋其融融怡怡終身無諍語亦無愠色一堂友愛可謂極矣當其尊人辭世時遺業涼



薄撐持羸危公與孺人持身勤儉服食器用屏絕鉛華常以振家爲念迄今數十年來特創藥號始建萬和齋于東市繼設太和齋于南關從此席泰履豐號稱小康而公視之淡如也公處里衍中言行槩履交接往來不作寒暄絮語常以大節訓人肫肫乎莫不情懇而意至若族鄙中有忿爭事出爲排解片言剖決重于刑章鋤強扶懦克服衆心里人比之王彥方陳仲弓云曩日往謁華山道邁窶人有誣以逋負者其人迫于拷索幾欲捐軀公憫其貧倒橐代償其人感泣而歸又在浙江遇有海甯人陳生因事爲鎮帥所逮轉撫爲義子已而勒索鬻身將併其妻孥爲臧獲公爲畫策得贖身歸故里又有鄉人素不相識遺一女甫數月失怙恃呱呱而泣棄置無人復顧公見心慈取而鞠之及笄遣嫁視同己出蓋其生平好義疎財急人之急大率類此詩曰愷悌君子其公之謂歟令嗣四長定序玉樓早召次定穀廩貢生成豐殉難三定煥布理問銜爲人醇篤四定釗大學生才幹超羣閨愛六淑慎幽閑各適名門均擅賢聲孫枝亦多競秀頭角崢嶸今皆成童就傅龍駒未壯已具籊雲之概他日撞破煙樓拭



目俟之耳傳曰豪傑之士豈必盡屬擔爵析圭震世駭俗者始可以爲卓越乎
卽如公之汝水樂饑牽車服賈潛德積善濟衆行仁而其光前裕後錫嘏受祉
丕振家聲亦足以卓越千古矣

定祥公傳

胡在淵 字效顏同邑人

公諱定祥字瑞庭清授奉直大夫父名增母氏王績溪城東人襁褓失怙惟母
是依生性聰穎與家先君同爲馮門僚壻有時晉謁家君多矩步繩趨侃侃如
也而公則瀟灑不羈閭閻如也所以益得外姑懽心公善說辭自幼已然年二
十四值洪楊亂家業蕩然奔走於外者數載大亂戡定國家廛念人民久罹兵
燹流離瑣尾田地荒蕪因於同治八年詔令各縣丈量田畝剔荒徵熟用紓民
困荒者招墾暫緩升科適廣德有設丈量局之舉以公書法挺秀聘任書記一
席後與建平旅次同鄉汪君積功友善集腋設行販運糧食汪君素慕公才推
爲經理慘淡經營商業日盛而公之家亦因以裕自是鄉人羨之多於郎溪繼
續開行公實爲先導也晚年退養林泉不復商戰可謂知其所止矣公生于道

光十七年十一月二十九日亥時卒于宣統三年四月二十日未時享年七十有五元配馮氏爲城東斗碓巷太學生馮源成公之長女生二子長位寮次位濱幼殤繼配章氏無出同葬葛家山下公之冢嗣位寮旅居郎溪今爲閤族修譜倡捐銀壹千五百圓又來書屬余爲公撰傳刊入譜內永留紀念余雖不文不敢辭以拂孝意余性梗直有善必彰然庸辭讚美之習套亦非余所敢蹈爰本曩時聞諸庭訓及所親見者而據實詮次以成傳焉


名增公元配王氏年未三旬夫婿遽亡遺孤定祥尙在襁褓耐苦守節撫養成立上事舅姑克盡婦道卒年四十九歲光緒庚寅奉旨建坊旌表節孝並崇祀節孝祠

胡文甫君傳

光緒甲辰翰林院編修

許承堯 歙縣人

君姓胡氏諱定錄字文甫清國學生世居績溪縣城之遵義坊遵義胡氏爲宋安定先生後有諱清者值宋南遷上書謂當建都荆襄不報乃自湖州遷績之胡村傳十一世有諱日嚴者始城居爲績望族君祖正業父名溶君性謹厚耐



勞苦幼卽隨父兄營商于建平咸豐十一年四月太平軍至被擄越數年始得潛逃歸績而君室已毀瓦礫塞途子身瞠立全家十餘口闔無一存號呼尋問乃知悉歿于難而君母汪君妻李及君兄與弟并遺骸亦不可復得是時君之所歷殆非人境仰天俯地泣血無從終身飲恨以爲大戚亂定爲衣食計不得已仍赴建平以遺資喪亡進靡所席乃嗇躬茹苦傭力自奮銖積寸累極勤與儉持以堅恆得稍稍復舊業年三十回績續娶妻戴戴亦極勤儉爲君助君與戴終身在刻苦黽勉中以商起家教育其子女雖家業漸裕而自奉仍奇約不改其故惟喜施與急公義慈祥愷悌凡赴友之急謀羣之利無不罄其力之所能致者致之又守知足之戒冲和坦夷與世無忤年六十八始歸老于績民國二年八月歿距生于道光十九年十二月年七十有五君生平篤于天親厚于宗族垂老語及遭亂時事猶淚涔涔溼其裾臨歿前一日誡其子曰我生不逢辰顧念先德志事未遂今病莫能興望汝等于宗祠譜牒有所致力斯乃孝之大者幸能成吾目瞑矣君子四位庚清附生安徽龍門師範學堂畢業生位明

位煊俱業商位耀殤女五長適鄭次三俱適王四適周五適張孫裕壽裕樹裕溥孫女四曾孫男女三君子位庚等能成父志集衆力修宗乘以狀請于歙縣許承堯爲作傳

許承堯曰亂離之際生民之道苦如君所丁誠極人世之哀君能奮其身翼其子孫以昌其宗卓哉古之弘毅君子也

胡定榜公行傳

府諮議國務院諮議巡閱使顧問知商都縣事

張善孖 四川人

公諱定榜字聲若徽屬績溪人也祖諱正絃父諱名訓並以孝友式德鄉閭公年十三與長兄定校遭洪楊之亂同爲匪虜知不易脫險乃陽爲匪作俵俾匪不疑陰使未被虜者先逃一面與兄籌措逃逸之計其智識之高存心之厚豈尋常人所可企哉陷匪六年始脫匪窟當其逸歸之日正公父彌留之時天之阨公抱無父之痛可謂極矣然得歸而遂其死別之情未始非公孝思有以致之也不數年公母氏棄養其兄其弟亦先後去世形單影隻蕭然四壁處境之艱有如此者然公不以屢遭喪亂而墮其志初赴宣屬之孫家埠經營木行未

數年遽受折閱行年三十始娶高孺人爲妻孺人至賢不特不怨公貧而公有所偶孺人皆敬聽而婉順之生子三長位乾次位坎三位晟均頭角嶷嶷期大器公以孺人賢無內顧憂乃赴建平爲傭代人作嫁自顧無力營貿不得已而屈就非公志也孺人生女亦三公以生齒日繁薪資不足贍養乃憑信義招股於梅渚鎮頂受曾經失敗之長泰糧行被推經理公殫心竭慮操奇計贏行務由此日隆獲利倍蓰年五十六心尤雄雄復在建平與族兄定祥公合創祥泰雜貨號自茲以往風順一帆家境蒸蒸日上而其子等復先後成立克紹箕裘公心之樂可知之矣乃於本邑東野朝塘拓基建屋蔭庇後人公秉性嚴明智識高遠待人接物純出乎誠雖行拂亂其所爲而能固守其窮天所以終佑之俾家運日以興隆也且好施與族之親友貧乏者求濟於公無不量力以助又與同鄉汪積功先生發起新安同鄉會至今在郎徽人皆稱道之年六十有二庚子歲十月卒於梅渚長泰行余與公子位坎位晟及其文孫裕銓裕釗裕鐸均友善故知公行誼綦詳茲以續修家乘例取族內聞人事蹟付之棗梨列之

譜端裕釗請余爲迺祖行述余不文僅就所習聞者表出之但求存真不敢稍爲諛詞以汚先生也

位伯公傳

弟位咸

族兄雲達公諱位伯習儉耐勞擅岐黃術有聲於浙江省之嚴衢間少經髮逆之亂由績溪避地于金華之蘭谿遂家焉元配周氏續娶程氏生子七女一教養婚嫁一身任之夫以子然離亂之軀羈棲異地儲無儋石而食指之累日增一家十餘口惟藉活人之術以自活非有堅卓淬勵百折不撓之精神能如是耶妻程亦勤儉有賢德平居嘗習女紅以佐其不足雖艱苦無怨色績城鄭家巷有祖遺節孝堂後廳屋一所經髮逆蹂躪傾圮程氏節衣縮食以十指所積竭力修葺未幾頓復舊觀故數十年中牽蘿補屋女嫁男婚其得力于內助者爲多予癸卯通籍後由京返徽過蘭曾主於其家維時兄年六十又六垂垂老矣嘗謂予曰陸宣公有云醫所以救人也故對於貧病而來診者嘗善視之不較值蓋是術也而以仁行之論者早卜其有後矣公爲前清國子監生例加五


品頂戴長子裕順七子裕煌均能世其業次裕春三裕泰六裕誠均善賈四裕元歷任京師山西運城湖北襄陽法官五裕熙前任蘭谿統捐局局長孫八嗣森嗣熊嗣鏞嗣鈇嗣炎嗣斌均服務商界嗣培充上海市立高小學教員嗣堃充陸軍部軍醫司科員均克自樹立曾孫六榮皋榮蘭榮慶榮濤榮瀚榮錦蘭已畢業于南京市立高小學吾族蘭谿一派方興未艾也公生于道光丁酉年十二月初四日辰時卒于光緒甲辰年十一月二十八日午時享壽六十又八云嗣鈇乞予一言以紀之爰爲之傳並贊曰操術仁宅心厚鬱之深流之久箕與裘能世守孫與曾兼而有娛目前裕身後苦心人天不負

位宜公傳

弟位咸

公諱位宜字俊廷父定燮公生子四公居長年甫十齡遭洪楊之亂定燮公攜家由荊州徙休甯之商山過桂林村饑不能行乃以雨傘易錢得百四十文苟延生命斯時也遍地榛莽覓食良不易公父不得已隻身走建平傭書縣署而公等嗷嗷待哺告貸無門賴公母洪灌園食力或掇柴薪令公日赴街頭易鹽

米旋由商山遷居于隆阜村惟恃揀茶度日公偶得食必進母母或撫公曰兒得毋飢乎公亟以飽對論者讚之曰是兒有此孝行他日長大必非常人其幼年刻苦曲盡孝思如此年十三習賈于屯溪茂記南貨業勤勗誠實深爲主人所倚畀既而公父病歿于建平公聞耗痛不欲生隻身奔赴扶櫬以歸就祖塋擇地安葬凡近支祖墳皆代爲修理又出資倡修家廟於是嚮之讚公者愈嘖嘖道公孝思不匱焉配余氏產子女八食指日增以所居湫隘建新屋數椽俾一門得以聚處焉公于貨殖夙稱能者閒嘗請益于先君宇和公先君以佳器目之光緒三十年創設俊記號于屯溪民國七年復設分號於績城南街往來兼顧不肯稍逸時予有祖遺田產在績鞭長莫及以經收之責重託公公以高年家務店務叢脞之身而每歲秋收畢出入節目親手條舉以示其待人忠而且信如此嘗屬予爲書守信二字以顏其齋曰此母訓也公生而孝友二弟敬軒能貨殖善居積而三弟萃和則甘淡泊不屑事生產公處之無間焉又以母氏歷經離亂父歿又不克隨侍在側引爲畢生大感故所營店務皆近在咫尺



便定省爾往往盛怒之下母至則轉怒爲喜母有命無不唯唯是從數十年如一日非先意承志者能如是乎晚年見兒輩肯承堂構乃頤養家居將屯績兩店分命管理遇地方善舉輒解囊襄助未嘗後人民國壬戌公母歿享壽九十有三而公亦逾古稀矣公體素強健老而益壯每當春秋佳日攜孫曾赴街市市果餌分甘以自娛民國十三年二月初二日丑時以無疾終距生于咸豐元年三月十一日辰時享壽七十有四生子六培城均垣塘坎女二長適城西章友三次適仁里程眉生孫十女孫四長適城西章洪田書云身其康強子孫其逢吉若公者可謂兼之矣贊曰惟信是守顛沛匪虧惟志是養縮食節衣千里歸櫬孝思不匱友愛性成安宅以義爲善不居爾類永錫俾壽而康粵攸好德

位寅公傳

弟位咸

公諱位寅字建之敬軒其號也父定燮公生子四公行三出嗣定燮公後性仁厚重信義耐勞苦生而孝友至老彌篤當公之生也值洪楊劫後全家避地于休寧行經隆阜村而公誕遂家焉時定燮公爲謀生故遠適建平公兄弟惟賴


母揀茶以活如是者凡四載母洪氏以故鄉恫定急欲歸省乃走負二穉子歸而大亂之後邱里爲墟母子嗷嗷幾於日求一飽而不可得矣公之學商也年方十二遠涉浙江省之蘭谿其行也僅敗絮一敝衣二而已鄰有胡肇開者以其信實能耐勞爲介紹于春盛夏布行公少年老成勤其職務俸貲所入悉以奉母不敢私一錢宣統初年辭春盛而自創設聚和敬號既復集貲開恆源泰來聚亨同大升等號論者以公長袖善舞料事多中不知其事必躬親勤儉信義有以致之耳公之治家也養而後教未嘗偏廢如光緒末造民國紀元先後建造樓屋數十年來男女婚嫁已極慘淡經營不遺餘力矣又感于己身幼年失學之苦故子女六人悉令從學不稍歧視幼子杰由小學卒業而南洋中校今任我邑城中小學教員可謂不負公之期望矣公之應世接物也一以仁厚爲懷凡有急難求援者必周卹之而無德色對於地方公益或修橋補路無不竭其能力以赴間嘗見貧病者求醫之困難欲令裕杰專習醫科以爲濟貧活人之需其宅心慈善爲何如耶民國十一年與伯兄倡議捐貲治祠宇嘗有志

于修譜祧主事未果顧謂其子曰吾老矣汝將有以成吾志蓋我宗祠譜牒自明嘉靖迄今垂四百年中經兵燹散佚殆盡續修之舉誠刻不容緩矣嗚呼迹公一生幼苦亂離長而勤儉老而優裕惟秉承母訓守信二字與兄若弟共勉之不敢一日忘宜其克昌大業垂裕後昆也裕杰以行述來爰爲之傳如此配吳氏生子二裕馨裕杰女三孫七女孫二公生於同治乙丑年卒於民國庚午年享壽六十又六云贊曰公之生也憂患以空乏之身而益加淬礪及其名成利就也又能不自佚樂而汲汲然以濟衆利物爲職志知木有本而水有源也亟有志于治祠事惟義方之不踰也兢兢然守信兩字洵明德之有後也振振然克昌厥嗣

胡位乾公行傳

清庠生陸軍步兵上校直
魯豫巡閱使署軍事參議 張文修

公諱位乾名訓公之文孫定榜公之冢子家於徽州之績溪縣當公之始生也適紅羊劫後元氣大傷家徒壁立羅掘俱窮定榜公費幾許心力慘淡經營僅免凍餒公秉性聰穎迥異常兒讀書過目輒了了人皆以大器期之及公之長



也欲就外傳而脩脯不能執塾師以公質美好學故竭誠教誨之不受一錢卽此足見公之稟質不凡也無如大兵之後饑饉荐臻食且不給其何暇讀不得已年十四遂輟學就建平之梅渚德泰號操計然術焉公對於店務切實習勞辦事明敏不僅爲師友所重視卽同鄉同業者亦莫不推重之年二十三該號總經理作古卽以公繼其任蓋公識見旣超而經驗亦富洵商界中傑出之材也會建平新安會館草創之初一切文稿出公手者爲多而公功成不居恂恂然讓美于前輩其謙抑如此同鄉周氏爲承祧事疊起糾紛幾讓訟事得公盡力排解訟事遂平而和好如初自此衆望允孚凡鄉之人偶有爭執得公一言卽渙然冰釋論者比之魯仲連焉公年二十八得瘡疾求速愈致毒閉不起卒於梅渚鄉人咸惜之妻氏葛無出以弟位坎位晟之子子之一門孝友根于天性也嗚呼造物忌才吉人不壽位乾公之死其淵鯉之流亞歟

德生胡公家傳

倪和天 同邑三都人

公氏胡諱位晟字德生名訓公之孫定榜公之季子績溪城東人也公生性亢

爽接物柔和勤儉無習染翼翼其心翼翼其行誠懇君子也早遭大故年十九偕其仲兄位坎之南漪湖之郎城將先人所創設之肆竭力整飭歷五寒暑未嘗稍懈會仲兄另有企圖卽以經理之責付公公義不獲辭悉心規劃鼎革後將先人舊業以次擴展糊紙坊闢棗廠益碾米改零爲整營業於焉大興並建築全肆房屋復同時應社會需求增設分業聯號數處業愈廣責愈重事愈煩而公之身亦愈勞繇是遂爲郎市同業與旅郎同鄉所企仰所推崇焉民國十九年被選爲鹽業公會主席同年復被選爲績溪旅郎同鄉會常務委員凡艱務之應籌公益之應舉靡不躬與其事重義疏財和衷共濟恢恢乎執商界牛耳非誠懇之君子能如是耶概公畢生所爲一適應時勢之商業人才也是烏可以不傳公以民國癸酉年五月十九日戌時卒於郎溪距生於光緒乙酉二月二十六日丑時享年四十九歲夫人氏周生丈夫子四長裕鐸次裕鎧三裕錕四裕錡女子六曰鵬曰燕曰梅曰杏曰富曰仙鐸娶余氏鎧娶吳氏錕聘方氏燕杏三歲天仙亦四歲殤梅幼適汪未婚而逝鵬適高氏富待字稽公一生

儉約自待而務以誠摯待人公歿肆友感其德惠有痛哭失聲者余與公生同鄉又爲忘年友公之歿也患咯血症悞于醫余旣爲聯以哀之復爲編次其紀念錄今其哲嗣等又以公傳屬余余辭不獲爰撫其崖略裨垂諸家乘云


胡公鵬南傳

胡祥木


字近仁同邑人
民國甲戌年

公諱嗣運字鵬南號雲門先籍吳興系出安定先生南渡後始徙績溪再遷城內稱遵義坊胡氏高曾以下代傳一經祖霖浹精叢辰之學考在田通疇人術潛德弗耀公生而岐嶷姿稟超踔幼趨祖庭日記誦千百言長益刻苦自勵寒不爐暑不箒寢饋不離書籍遂通春秋傳義次及羣經章句尋受知於邑令王公峻爲童軍冠咸豐己未邵學使亨豫擢列縣庠時同雋者有章太守洪鈞胡部郎寶鐸程刺史光國等號稱得人同治乙丑試優等食廩餼由是文譽日藉光緒紀元循資貢上庠顧屢躋省闈丙子薦而未售壬午雖售僅中副車是時公年將五十矣因嘆曰吾嘗欲於三十前獵取科名然後從事著述成一家言今數奇若此當亟爲不朽計矣自是循例就銓以直隸州州判候選杜門鮮與

外事一意以教授後輩纂訂詩文爲務公夙無他嗜視聲色玩好徵逐之類泊如也畢生精力一寓於書日坐小牕中或展卷或操翰常有員程客至寒暄數語吟聲繼作客每逡巡自去以此所著頗夥計已印行者有鵬南初稿制藝文兩冊鵬南文鈔十六卷補遺十二卷鵬南詩鈔十卷補遺一卷梅花百咏八卷讀經涂徑指迷詩二卷鵬南詩粹二卷書經問答十六卷詩經問答十四卷春秋問答十六卷未刊者有春秋述凡易經粹言讀書眉批錄半僧老人筆記及嘉慶縣志補正一卷別有三禮問答易經問答則纂輯未成者其稿均藏於家初吾績自胡樸齋先生匡衷累代以經術相繼顯名天下稱爲三胡自是士林蘄嚮樸學公濡染旣久恆發遐想期踵前徽用是攻習學業勤劬甚至冥心索解尠所師承聚書三萬卷手繙目營朱墨殆徧其詁經則刺衆說而衷之不役小學不專今古文不限家法頗少近儒支離之習下筆爲文滔滔汨汨動千百言格律端凝雅稱其人或言其辭縟而直然公久習八比固用排偶自喜焉詩近宋元以組織爲工其讀經指迷詩於義疏諸家咸有品隲蓋自道學歷不願




以文人自域也公狀貌豐碩體魄勁健晚雖重聽而步履如常居恆接物坦易持躬儉樸惟伉直尚氣意弗嗾者動加呵斥廣庭衆座旁若無人以是不甚諧俗至於無檢之輩則望影卻步焉天性孝友居父喪時兵侵交厲未朞而遭六喪公於九死一生中百方措撐養生送死咸盡情禮高祖以下遺著散佚公張皇幽眇補苴罅漏並爲輯訂刊印同治未續修皖志公主績邑採訪事本支男女列志者展轉至數十人錫類之篤於斯爲甚嘗以明史叙胡襄懋公附趙收汪等事多微詞因攷覈羣籍著爲詩文反覆辨白又輯補襄懋忠敬堂彙錄殘帙令其族裔刊行他若攷證鄣山詩社等猶屬餘事其闡幽表潛往往類此年未冠客授各鄉後返城講學歷三十餘年每慨世儒弁陋教人務令博觀約取東山初改學校邑令延公任教習其諸經問答卽是時所纂受業之士成就頗衆如程明經康生章氏昆仲兩廣文定嚴定建其尤著者生平峻潔自持嚴去就謹取予當曾文正公駐軍祁門時歙柯太僕鉞方參戎幕實公舊居停也函招公往於是人皆賀公謂可梯榮顧公終以侍親婉謝之家故不豐資以生者



惟祖貽選擇業及館穀頗虞匱乏時書院盛行月課公乃多撰課文藉博膏獎
今所刊著述中蓋強半應各書院所作外此儻來物絲毫不屑苟取其狷介如
此他若提倡公益勤逾己事嘉惠宗公頗難僂舉世或以此稱公第於公抑未
矣公以道光乙未古歷八月十七日生民國四年新歷八月十八日歿享年八
十有一娶同邑汪氏周氏汪氏余氏程氏生五子三女榮璆歲貢生榮瑄廩貢
生榮珂附生均有聲膠庠榮璇受世傳日者業榮琥出繼嗣貴女適同城庠生
周汝富廩貢生葛貞監生章志南孫五人冢孫昌熾以縣庠生畢業北京大學
最知名

胡祥木曰吾績自遜清中葉後學術稱盛自三胡外以音訓考据文藝擅名者
殆相接踵卽洪楊軍後年輩與公相及者如章夢所程蒲孫邵班卿家鐵花諸
先生其學術均各具本原兼賅體用是以馳騁當代蜚聲皇路以公視之雖不
知其若何要之自餘諸子固應推公爲中堅矣鼎革以還舊學漸等弁靡每况
斯下逮梁任公暨吾家適之等力倡整理國故之議海內景從顧自時及今歲



逾一紀而青年後生仍少以國學鳴者或有之而根柢淺薄或掇拾詭異博爲名高其真能證彙淵源者百不覯一也求如吾績曩時諸先生與公等之績學何可得耶舉世滔滔罔知所屆吾叙公傳既竟更不禁擱筆三嘆感慨系之矣


胡吉之先生傳

陳秋水

休甯人
民國甲戌年

先生姓胡氏諱嗣迪字吉之吾同郡績溪縣遵義坊人也生五月而孤母夫人程撫之育之以長以教因是齟齬之年已若晉李矩之善計畫具成人量會太平軍擾皖南諸邑相繼陷績溪雖僻壤亦不獲幸免亟隨母夫人走避附郭山中母夫人因平日操勞過甚兼遇驚悸不幸遽於是日夜半逝時烽煙遍郡邑倉猝遭大故縱有族人相助爲理其艱難窘迫在成年亦未必能堪矧在童子而先生獨勉爲其難克具乎禮昔孟子有言養生者不足以當大事唯送死可以當大事此足徵送死之非易易今不圖於童子中見之復不圖於離亂中見之宜其爲宗族鄉黨中所稱道矣蓋年在十齡也殯殮既畢乃往依族兄家會兩度爲太平軍所擄均以計脫險而出旣念孑然一身非常久計於是襍被走

滬上因鄉人士之介得入汪裕泰茶號習業先生天性本肫篤至是益刻苦自勵以故深爲主者所器重而一生事業遂基於此嗣乃手創茶號多處慘淡經營夙夜匪懈因是業務得以蒸蒸日上而先生以幼卽孤露歲時祭饗輒作孺子慕蓋深有感於歐陽子祭而豐不若養之薄之義也尤以太夫人窀穸未安朝夕不能去懷故處境稍裕亟返鄉經營葬事周詳妥慎必躬必親以是宗族鄉黨益交口稱之晚歲以耆年碩德爲同業所欽仰排難釋紛一言立決民國十七年秋茶業中勞資糾紛突起先生是時適膺茶業商民協會執行委員乃以勞資共存之旨開誠布公向雙方調解其事卒寢先生又復以回魂茶有礙衛生在會力持禁絕之議卒賴其力絕跡市廛焉蓋先生爲人急公好義凡所擘畫與人相見以誠故人咸服之也任委員時年雖已邁仍徒步奔走絕不願消耗公家一文性尤仁慈所知或有急難向之求助無不慷慨以應而自奉則甚儉約布衣蔬食晏如也初娶於程繼娶於楊生丈夫子四榮璜榮璠俱業商程夫人出榮寶畢業於北京交通部郵電學校榮琛畢業於安徽省立第四師



範學校均知名楊夫人出女榮娟適張亦楊夫人出孫五昌福昌慶昌圻昌泰昌旭女孫七人曾孫顯文顯仁顯章顯生曾孫女一先生生於道光二十七年丁未七月十八日辰時歿於民國二十一年三月三十一日亥時在夏時爲二月二十五日也卽於是年四月四日葬于奉賢縣二十八圖十三保五區之蕭塘鎮享壽八十有六

秋水生曰予以同鄉誼獲與先生諸子交甚摯見諸子莘莘儒雅知先生義方之訓之過人遠也因卽推知先生之爲人當亦具有儒者氣象旣而歛聞先生之所行則果粹然儒者之品詣也然則若先生者其亦貨殖傳中之端木子歟不然何以所行悉與儒者所爲適合若此也嗚呼先生洵不可及矣

鯉庭胡公傳


清廩膳生

程士梅

字殿香同邑人

胡公嗣述號鯉庭殿駿其別字也世居城東遵義坊公宅心仁厚居家以孝聞九歲失怙依瞽母爲生活是年髮匪來吾績家人咸奔避不遑顧及母氏公獨不忍偕母緩緩行乞食奉母雖不獲甘旨沿途得無饑餒憂一日途中遇大股

匪避亂者如鳥獸散公扶母過橋暫避倉卒中失足落水忽有老人拯之出囑令無懼並指示途徑又一日行經古廟匪迎面來公與母入廟匿神座天花板中匪疑有藏物欲登幾及而墜再登又墜乃舍之去後由歙奉母還績正行間匪成羣結隊蜂擁而至公以無處躲避卽亦不復畏懼惟時時保護其母匪見之咸謂此孺子可敬不但不罪公並贈公以糗糧公于是與母咸得一飽遂安然抵家門矣嗚呼公苟非至孝動天何以一而再再而三冥冥中若有鬼神護之且使賊匪敬而重之也越數歲亂平公年稍長而母氏又歿煢煢無依幸長兄殿驊公使從習舉子業得其教養賴以成人不數年入泮乃分爨而居然其時家無立錫室如懸罄一家生計困苦萬狀不得已設館授徒並承世傳日者學用資糊口暇輒研究奇門大六壬諸書公絕世聰明竟能深得門徑而公猶謂有文事者必有武備更於晚間邀集二三同志練習拳術以故公另有心得其選擇與他人異亦非他人可及其品性剛方膂力過人當之者輒披靡此其志蓋不在小就使公苟得行其志則出其才學以爲世用當必有驚人之功



通義
業克自樹立而爲邦家光者惜乎公竟以牖下老也公於五十一歲歸道山娶孺人程氏生子榮珍資質聰穎能繼父志兼祧伯父嗣通公後年來與予爲友閒時過從談及其先人生平得知梗概爰書此以明公之孝並以見公之抱負不凡也

胡君榮璆傳

程士梅

見前

胡君榮璆字鉄梅吾邑鵬南先生冢嗣也君幼受庭訓傳家詩禮學有淵源兼之資質明敏讀書過目不忘童年卽能博通經史及諸子百家爲老師宿儒所器重十六歲入泮旋食廩餼貢後授職府經歷君爲人精明強幹凡地方公益家族善舉均極力任之曾管理東山書院督修城東武廟以及倡捐修葺家廟頭門辦事熱心不避勞怨素爲鄰里鄉黨所信仰光緒末年劉公以信宰吾績議於明倫堂開辦高等小學聞君學問淵博乃敦聘爲該堂堂長惟經費不足君雖熱心教育勉爲其難數年後卒不能支持君乃歎曰巧媳婦何以爲無米之炊遂起而請辭彼時亦無有能繼其後者及民國興君才正大可有爲但其


時政治未上軌道一班青年學子又復鼓吹新禮教廢除舊道德甚者誤解自由侈談平等君見世事日非禍亂殆未有已乃伏處草茅閉口不談天下事蓋舉世滔滔多惑於邪說君欲以一人而閑先聖之道自問力有未能而又不願靡然從風推波助瀾使後輩同染此惡習故暇時除整理其先人鵬南先生遺稿付梓行世外仍以詩書課孫自樂論者或謂君世代書香而其文孫不令之入學校未免有背潮流且亦拘執不化噫彼烏知君之存心哉君之哲嗣興周先生民元畢業於國立北京大學是君之使其子弟入學校較他人爲早夫豈拘執不化者比特對於近今學校不讀孔孟書舉凡昔賢文藝亦皆置之高閣是則心所謂危而竊竊以爲不可者也君志如是爰述其大略以爲君傳

胡榮珂傳


績溪縣知縣

程蘭階 光緒乙未

胡榮珂字叔璋號秉同徽州績溪縣人幼有異稟四歲能作擘窠書比稍長入小學卽不逐兒童嬉戲每遇家慶徵歌侑酒常挾策兀坐一室中不之顧也體素多病望之清羸如不勝衣而獨善讀書數行俱下於四部七錄無不研究然



非法之書弗陳於側每夕讎校往往漏下三鼓猶孜孜不倦其尊甫每戒止之促使就寢伺其父睡熟輒復起勾稽點勘不敢出聲其勤且困若此病日甚故所撰述不多然論事詳核敷辭華贍而皆源本經術每下筆揮灑自如浩浩然有江河莫禦之勢良由平日掩關執卷研鑽古義別有心得故其文根柢訓典獨具鑪錘比年以來病不時發發時隱几臥伏面無人色光緒乙未將應縣有司試其尊甫以病故又戒止之弗可力疾入場嘗口吟袁子才死到沙場是善終句比出讀其文則精氣奕奕橫貫紙墨曾不異居恆無病時且若較他人之不病者而尤工且密焉遂以冠軍入泮試畢回里疾益劇其妻程氏舜英問後事曰吾不孝不能爲老親計何暇計汝等哉語訖而逝妻程氏立以身殉時光緒乙未五月十八日也享年僅二十又一遺有達齋存稿六卷秉同遺文錄一冊其尊甫憫其篝燈呵凍之苦功不忍任其湮沒將遺文刊行問世矣嗚呼以秉同之資稟聰穎好學不倦倘得天假之年所進自不止此今竟賚志以歿予未嘗不悲其志而傷其命也



胡昌熾君傳

北京大學畢業歷任安徽省教育廳科長省立一中四師
學監省立第二中學校長現任中法國立工學院教授

汪啓疆 字仲明古歙人


胡昌熾字興周皖之績溪人鵬南先生長孫也幼穎悟讀書倍常兒年未弱冠已通五經鵬南先生嘗曰諸孫中秉性沈默漸摩墳典枕籍經書惟昌熾頗類我舍是我家無讀書種子矣光緒甲辰以院試冠軍入泮時清廷下詔停科舉興學校以圖自強乙巳春皖垣開辦高等學堂招聰明俊秀之士設科分教興周於是年負篋晉省應試入學予亦濫竽其中始識興周性好靜不苟言笑惟日孳孳於學尤長書法及算術戊申春以最優等畢業旋由提學使吳同甲考送入京師大學堂肄業專研理科每試均列前茅民元畢業回皖歷充省立第一中學甲種農業學校第四師範等校教員學監職務興周出其所學誨人不倦師生翕然至今尙稱道不衰民四春巡按使韓國鈞聘爲省立第一中學校長韓蘇人以提倡教育著於時聞興周名故聘任之也興周旣長一中銳意整頓奈以校中教職員分子複雜興周固純然儒者不知權變應付諸感困難民五春遂辭職返里民六秋復以省長黃家傑函召晉省興周向主張科學救國

論既不得志於時感觸愈深精神恍惚又以政途齷齪不屑涉足到省數日即乘輪至蕪遽以失蹤告遂消息杳然或云披荆入山或云自沉於江嗚呼傷哉我徽固多積學之士以君之才之學宜可大用於世而竟齎志以歿豈真命也乎尙何言哉尙何言哉

胡母章孺人傳


汪啓疆 見前

孺人績溪東鄉瀛洲庠生章公逸珊長女也閨字月僊秉性淳厚淑慎幽貞年十二遭母喪哀痛逾恆事祖母及父以孝聞撫育弟妹殷勤備至年十九于歸同邑胡興周時值清廷停科舉辦學校興周擬赴省應試高等學堂以求深造孺人力贊成之並脫簪珥以助學費興周既遠出凡晨昏定省諸職悉由孺人任之克盡孝道處妯娌以和故能家無閒言里著賢聲興周既卒業高等學堂復由提學使吳同甲考送京師大學堂肄業民元畢業回皖歷任本省農業中學師範等校教務聲譽鵲起民四春巡按使韓國鈞委爲省立第一中學校長孺人意爲之慰然并白躬操婦道修飭一如往昔故鄉黨交稱使興周得安心



服務學界無內顧憂者孺人之力也迨韓國鈞去皖興周亦辭職返里民六秋興周應省長黃家傑之招晉省中途忽告失蹤惡耗傳來孺人痛不欲生思入空門以終餘年經戚黨勸慰繼念舅姑年事已高侍奉無人又以弱子幼稚尙待教養乃含淚中止惟孺人望夫之心甚切晨夕祈禱冀有歸信績邑有五猖廟者香火極盛孺人每逢朔望必親詣叩祝寒暑不間人咸哀之溯自興周失蹤孺人以一弱女子支持家政癸亥以後舅姑相繼病歿辦理喪葬家政本不寬裕至是更屬茹苦含辛復爲子完娶不久而媳又病卒孺人心力交瘁加以勞苦憂鬱遂一病不起卒於民國二十年七月初十日辰時年四十六歲嗚呼傷哉夫自戀愛自由之說盛男女之交以利合以害離當興周失蹤之日孺人正在青年獨能守節撫孤近二十年不易其志歲寒而後知松柏真可以矯世勵俗矣

王君青平賦猶子瞻燕蓋世二十平不長其志氣寒而發映林林
 為浩夫自願愛自由之節遊畏文之文以味合以書辨嘗與風夫
 後苦憂鬱遊一滿不噴卒依凡國二十平士民際十日承執幸四
 實於至吳更風故善合幸窮為子宗嬰不久而歎又壽卒無入
 難語人以一編文于文林求如榮交以資更故味論無與機要
 願香香火好如無人無在映望必照諸中好寒暑不問人知矣
 詩於楚代合類中士前語人望夫之心其也無之也新其有
 空門以新給平點以驚憐憐然念廣故幸事子高神奉無人又
 興風願首其書來封文時晉會中終淡昔夫驚惡抹新來語人
 願風願首其書來封文時晉會中終淡昔夫驚惡抹新來語人



遵義胡氏宗譜卷九

墓誌銘

重修胡處士墓誌銘

庠生著有龍都集雷聲稿

戴

偉

字當世同邑人

胡處士者徽州績溪縣人也諱景和字介甫其先世居吳興徙績胡村已復徙城中有諱子原者爲桂林府知事生容縣知縣士俊知事配丁氏卒于官時容縣甚稚而知事廉無橐中裝以故不能歸其喪及容縣長迺走千里負骸骨歸朝夕哭臨行者哀之皆蘇蘇隕涕曰孝哉若人是必有後矣生處士處士生而豐碩性悃愾務自振飭恥隨世浮沉以行誼聞鄉閭鄉閭皆推轂之稱長者然處士以財自衛而人亦無有妬撓之者然亦未嘗敢以聲氣加人人以是益慕附之處士有塘一區在關之西人有盜其魚者獲之處士釋不問其人媿感終其身不復穿窬嘗謂處士有陳仲弓王彥方之風云成化丁亥四月十九日以疾卒距其生永樂癸未八月三十日年六十有五子二人長庸次懋女一適戴時庸生有明有明生淳淳生松正德甲戌進士歷官工部尚書有明贈參政淳

封參政皆以松貴懋生賢任山東蒙陰縣儒學訓導處士葬邑一都曰黃墓牌
從知事兆也知事君配吳及丁氏曹氏暨處士母汪配吳皆附焉嗚呼世之所
謂富家巨族者皆乘時射利血牙臘毒而屬厭不已恫疑噤喝攫噬以逞莫之
誰何不一再傳而子孫凋喪田廬易業丘木斬伐罔有遺蘖至使鄉人追數其
過而尤之視處士獨不媿耶彼以貪殘剽磔之行

謹按最後一語語氣未完當係鈔本脫略茲不敢妄續然亦不敢擅刪儻後之攬者能得全文足成之則幸甚矣裔孫位咸謹識


處士東園胡公墓誌銘

翰林院侍講

唐

臯

胡公諱有明者立夫公之子今陝西道監察御史承菴君之祖父也字克誠別
號東園先世居吳興當宋時有諱清者遷績溪之胡村始爲績人元季間有諱
曰巖字仁卿者遷邑東隅處士幼孤賴母汪孀居撫育克遵慈訓習守勤儉弗
納游惰交公庭自趨賦外不一造崇謙抑務韜晦室無追胥晏如也弘治間有
例輸粟公庾榮以冠帶處士曰賑饑策也欣然赴令或難之曰急病勇義志則
美矣如後侵漁抑配緣名速戾何曰積而能散古訓具存予薄守財虜不爲遑



計其他卒成之績舊有朱文公祠歲久頽甚正德丁卯邑令王君育英偕學生創義鼎新工徒既具董役者難其廉得處士名召至委任之勞不踰時而集士論多之比者鄰郡寇竊延蔓封境戒嚴郡守豫章熊公議設險隘爲防守計績有叢山關險可憑也建策修築僉舉處士督其工役未幾告成勢甚雄壯郡可無東顧憂矣平居自念讀書爲第一好事擇諸孫中得聰俊如茂卿使業舉弘治甲子補弟子員正德癸酉果舉於鄉屬當偕計春官乃語之曰汝父母未老無憂也第吾夫婦暨吾母老耳科場發少年尙勉圖之爲老景光汝性躁急脫入仕途蒞政臨民貴在和緩毋勞百姓爲也懼不復見尙憶吾言扶杖出門揮淚而別茂卿會闡捷報未幾而處士已捐館矣時甲戌四月十有二日丑時也距生景泰辛未正月二十有四日子時享年六十有四配孺人馮氏同邑永亨翁女生子男三長淳娶方氏次漢娶汪氏次瀚娶許氏女一適同邑余瑾早卒孫男三長松卽茂卿甲戌進士觀大司馬政娶汪氏次柏娶周氏次楠聘張氏處士改葬外塘岱從先兆也銘曰孤而富穀隱而仕服以孝以義卓越里族

有學其崇有鎮其雄屈策在公敦事奏功一廛爲氓名隸天府有此聞孫宜光
爾祖峯縈川迴宅兆于茲陵谷靡恆堅珉勒辭

明封中大夫雲南布政使司右參政屏嶼胡公墓誌銘

正德辛巳進士官南京兵部尙書


潘

潢

字薦叔婺源人

嘉靖癸丑冬十月十有七日封中大夫雲南布政使司右參政屏嶼胡公卒其
孤工部尙書松齋戒卜兆筮日將以後十有四年丁卯季冬念六日葬之外塘
岱之陽先期介其宗子通判文彬狀束幣來徵予銘按公諱淳孟熙字其先有
諱清者宋中葉間自浙之吳興烏程始遷績溪居胡村十二傳至需樂諱原國
初仕爲廣西桂林府知事高祖諱士俊容縣知縣曾祖諱景和曾祖母吳氏祖
諱庸祖母汪氏考諱有明妣馮氏公生成化七年八月十有六日於是年八十
有三矣方公彊年工部舉進士上第授嘉興府推官公戒勿擾逾考徵拜文林
郎陝西道監察御史封公如其官在告五年或勸之行公戒勿亟嘉靖改元起
除工部浙江道御史抗疏劾柄臣忤旨衆懼不測公正色曰言死職耳已而得


廉州又曰豈獨嶺海外能死人哉無幾微見於顏面工部迄歷按察甸宣六七省封贈公與其考俱中大夫雲南布政使司右參政妣若配俱淑人而公貴且彌謙絕口不談郡邑事縉紳貴族以此益高之里中少年或盜貨器屢獲屢置不問曰貧故耳而面折人非退不爲後言鄉里人尤往往心服好周人急歲己酉廷推工部自兩淮督運都御史拜少司徒尋晉工部尙書是時公年八十工部時時奉書起居從容請解政歸養公曰子之能仕父教之忠吾豈以老故貳爾心哉工部雖唯唯奉命逾年益念公不已上疏求去位天子方以孝理天下重違工部請於是朝紳交榮以爲難得松泉夏太宰曰於時清明對揚天子之休命晝錦升堂奉春酒爲老萊兒啼以娛親心以介千歲壽須臾豈以三公換哉蓋慕之也一日天氣清和工部戒子姓板輿奉公約城中八九高年杖屨追陪共爲靈山勝遊飲酒樂甚長咏言歸觀者動色稱羨以爲不圖真覩福星徜徉人間雖古洛社耆英蓋不是過而是時工部年已六十有二諸孫往往卒業太學相次拜舞爲壽昔雲峯胡先生所稱紫巖先生年將百歲而有七十歲之




子五十歲之孫曾孫年三十彩衣五世爲吾新安盛事者庶幾再見於今日完名備福又不一一焉蓋非但不爲大耋之嗟已矣公尤感風木之不時思堦篔之難再乃揮五百金梁十里巖以畢先志爲鄉人永除墜石殺人之患又平郭外修衢以利行者閔弟短折所以撫其孤楠甚厚娶處士方公岳女封孺人加封淑人母儀端淑先公十年卒子長卽松尙書工部直方聲著天下娶汪氏封淑人仲柏先歿娶周氏孫六廷烈娶程氏廷休周氏廷勳許氏廷默汪氏廷廉張氏廷然孫氏烈休勳廉皆太學生孫女二榮莊適市南許采福莊適邑北張烈銘曰人有象而不及滋者矧父踰耄而子壽俊者乎人有顯榮不及其親一命馳者矧特封屢封不一封被之金朱養以玉彝又及其執政歸而泰然以嬉乎人有薄中而厚自飴者况鶴鳴子和好爵與爾縻乎人有喜積拔毫以利天下不爲者况不撓于公而卹其私使農者日安于畝行者常歌于達乎祝之堯疇于箕有一於斯猶將難之總是諸順藏之終古又何涯乎

胡母方太淑人墓誌銘


歷官工部侍郎龔輝餘姚人



嘉靖丁未承菴胡公補廣東左布政使輝以右轄入賀便道畢先人之役踰嶺而來幸從公後一日公泫然請曰松不幸先妣太淑人棄不肖則五稔矣以時日有待權厝西山行將遷葬外塘岱願以銘屬輝聞之愴然有感及展狀見太淑人閭範髣髴見吾先太宜人不覺淚墮雖荒穢無能爲太淑人重詎忍辭乎哉迺含哀按大理守鄭子狀大淑人姓方氏諱慕榮封雲南右參政屏嶼翁配其父岳號汲古齋與其大父洎曾大父而上世有潛德而汲古公尤能以忠孝禮義刑家母葛孺人出世族嫻於內則相汲古公以禮以故淑人涵毓濡化若出性成甫十歲汲古公歿其母惇惇寡居則相與朝夕悲慟咽而後甦識者已預占其不凡及笄而字適鬱攸不能具儀蓋徽俗競以侈靡相夸耀人盡難之淑人殊不爲意惟婦道是修蚤夜孜孜以執女工親中饋賓祭豐潔不逐時好佐屏嶼翁以義方課子故承菴敏而速成登正德甲戌進士授官嘉興郡推淑人且喜且懼諭曰刑官繫一方民命而賴二氏先世所遺幸而有此宜慎思之由是承菴受命唯謹迄今嘉郡稱用法平恕必曰胡某胡某己卯拜侍御史嘉



靖壬午屏嶼翁受御史封而淑人封孺人承菴曰人生顯父母耳不歸何俟遂請告家居凡五閱年備物盡文眷眷焉不欲一旦去膝下淑人縱心戚之顧義不可誠曰忠孝一也爾居職能砥礪盡忠使當世稱名御史則孝莫大矣區區奉養曾是爲孝乎承菴不獲已彊而爲起埋輪折檻風采震耀卒以言事忤時調廉州府推廉去家萬里承菴以遠二親爲憂淑人慰曰丈夫志在四方况君命乎吾與爾父幸康強無貽爾慮敦遣以義不爲世俗兒女子愛尋遷廣信貳守信於徽壤地相接天若慰淑人倚閭之望然者承菴奉檄色喜卽遣使迎屏嶼翁與淑人淑人卒與屏嶼翁偕來讌見飲食不忘規誨乃承菴有遺惠於信者淑人與屏嶼翁庭訓爲多繇廣信四遷爲雲南右參政屏嶼翁遂進封如其官而淑人進今封淑人寡言笑對屏嶼翁恆如對賓待妯娒以和家無間言尤善事舅姑姑馮太淑人患瘋痺不能起處者殆十餘年淑人調護掖持久而弗怠雖下至溷服躬親浣滌人或以過自勞苦爲規則曰不爾顧無以盡吾心大姑汪嘗病癱醫云非吮不可聞者色沮淑人曰舍我誰當吮大姑者吮而果愈



人以爲孝誠所感居常善綜理儉勤爲訓然好施與能周人之急卽有求者苟其家所有與其力所可致無弗應之庸是因自大姑而下以逮姻族無小大疏戚莫不稱賢歲癸卯淑人寢疾且革思見承菴承菴適以貴州按察遷廣東右布政道出章江亟馳視母而母則不可起矣肯六月五日辰時生成化辛卯正月十二日午時享年七十有三子二長卽承菴名松字茂卿娶汪受封如淑人次柏字秀卿號節菴有幹理才娶周先淑人卒孫男六曰廷烈廷休廷勳廷默廷廉廷然孫女二長字許幼字張銘曰吁嗟淑人端懿靜莊富而不有貴而能降忠以示訓母道用光法比徐杜名竝范張煌煌鸞誥有賁其堂桂芬蘭馥旣熾而昌端軌範俗奕葉流芳口碑載道擬之敬姜


明故工部尙書致仕進階榮祿大夫承菴胡公墓誌銘

嘉靖丁未進士累官兵部左侍郎予告終養文名與
弇州先生埒晚歲家歙城之太函山著有太函集


汪道昆

字伯玉號南溟
同郡歙人

績溪爲吾徽下邑邑稱胡尙書者三三尙書者大司徒富大司空松大司馬宗憲也司徒先司空以積勞顯爲世勞臣司馬差後司空以武功顯爲世功臣司




空中起以骨鯁顯當時卒之直節不同引身不辱名實無缺有古大臣風卽公也隆慶壬申秋七月二十七日公卽世其年八十有三上聞之輟朝下卹典如令甲萬歷五年丁丑秋八月辛酉公子廷休廷默奉公喪葬五都龍朝灣先是廷休謀狀若誌若銘就郡中叩江方伯民璞民璞歎曰偉哉尙書宜必王大僕元美爲狀汪司馬伯玉爲誌爲銘其幾矣於是廷休奉元美狀以要不佞不佞其何敢辭志曰公在郡郡中稱承菴先生茂卿字也孝宗卽位三年閏月幾望公生里中公美風神頎而勁年二十四舉于鄉明年舉正德甲戌進士出爲嘉興司理始入官會部使者按獄嘉興目守問獄狀守錯愕司理輒從旁對甚悉部使者以爲能每出按部中必司理俱往無慮宇下卽所至多平反居久之召爲陝西道御史嘗嬖臣矯詔臨清爲市力請罷之遞疏論假子甯中貴人敬故宰完不報出按山東部尋引疾歸嘉靖六年起浙江道御史先是王太原以黨江彬論戍桂文襄驟貴用事故多太原尋以邊事起太原填關中旦夕授之柄矣公極論太原無狀侵文襄謫理廉州御史程啓充周在皆以救公杖闕下或



沮公毋往二憾惡能釋公公躍然以單車行曰逐臣違恤身後時守璫恣甚奪民間荔枝園公持之璫亟還民間無所恡且陰戒徒屬彼已目中無執政我何有哉無何進貳廣信尋轉福建按察司僉事分部泉州泉府庫亡其金繩守藏者急公廉得攝者通吏奸狀出守藏者釋之永春民聚族追逋寇歷山鄉鄉民以爲寇也縱擊之獲四十人皆誣服公得其狀賴以不寃尋分守故部中進布政司參議泉中城爲院院癘者居之市豪睨其地腴議徙癘者居門外島公宣言曰縣官閔焉以先無告如之何棄之以中市豪卒格其議已而轉按察司副使兵備大名尋參知雲南進貴州按察使夷酋安萬銓比易斐輕爲邪部使者屬萬銓從子仁必致斐仁稱疾公檄切責仁仁來部使者下仁吏夷衆鬩擁仁去夷且生心公復申利害切責仁於是仁縛斐自效事得解進廣東右布政使轉左以母服歸服除官如故進都察院右副都御史治河治漕故治河使部濟寧濟有祠祠夏相君父夏當國以祠屬公公領之卒置勿問河漕多所決筴遞格於時公旣遷後至者卒用公筴遷而左右戶部及提督太倉頃之拜工部尙

書之命時袁州方用事百官總已受成伊王恣睢請拓洛邸計直且十萬則以
什二爲袁州壽袁州陰諾之下部尙書尙書力持不可祖宗法無是毋爲僭溢
者開端且力詘舉羸寢之便袁州不能奪心銜之庚戌秋虜大入咸寧侯仇鸞
以入衛被恩幸拜大將軍大將軍請以親兵營近關發武庫仗就營給兵便司
空入奏曰在制令邊兵不內駐武庫仗不外移大將軍易之非法也鸞議格天
子卒創虜法諸大臣而袁州銜故隙恐司空司空自若旣而諸大臣往往坐法
卒不及司空公獨念家大人春秋高卽倍親會何補於國忽疾作仆地乞骸骨
歸歸則日從家大人爲田間游夜罷歸子舍驩甚比居親喪如孺子必盡哀弟
柏先亡每念之必泣下視其子猶子也必訓之克家家食餘二十年絕口不問
有司事周中丞如斗劉直指世曾皆謂司空齒德高請存問如禮莊皇帝立詔
進一階所部表其閭曰達尊禮也今上卽位亦逮覃恩頃之逝矣往公之居滇
也會有恩詔贈大父有明封父淳皆參政贈大母馮氏封母方氏妻汪氏皆淑
人如淑人者二人安氏程氏公舉三子長廷烈次卽廷休皆出淑人廷默安出



三子皆入太學而廷傑授南京鴻臚寺序班廷烈從淑人皆先公卒一女適許
案孫男九人孫女六人其婚媾皆名家狀備矣銘曰吾欲爲直躬吾其匪躬吾
何以保吾躬吾欲爲甘節吾其殉節吾何以完吾節公在朝廷以堅白鳴無論
王侯將相不緇不磷於時赫赫在上操下如束濕薪幸而得謝猶必被以不令
之名乃若翻然身退既遂且成全歸無實唯公一人及夫竊柄者伏質炙手者
薰心公獨享黃髮以永終譽籍惇史而爲國程豈其天縱之無闕抑亦惠迪之
可憑語云天不人不因人不天不成於戲九原可作其斯爲三代之遺直百世
之儀刑

明故夫人封淑人胡母汪氏墓誌銘


嘉清己丑進士累官都察院
右副都御史著有周潭集

汪尙寧


字廷德號周潭
同郡歙人

淑人姓汪氏孔靈伯和君女汪氏與邑坊胡氏世望於績司空尙書承菴公父
封參政屏嶼翁母方太夫人爲公擇儷委禽焉以歸恪共婦道大父母父母咸
安之曰賢冢婦公時爲學官弟子有聲淑人贊就學益勤公癸酉甲戌聯第筮

仕嘉興推官嘉故沃地淑人吳羅越綺一無所問無何公以賢旌人已謂公登第服官淑人與有中贊之力翁與太夫人念公仕御史年踰三旬未字宜置側室淑人從與成之無難色遇安程二氏烝烝然恩義充庭故公宜子安氏子廷煒感危自宦邸便歸淑人同公徬徨相對日夕更抱冒大暑出畏塗凡幾閱月不廢燈就寢雖所生子方襁褓不暇近百計求瘳不得慟其心惟知公有子甯知廷煒爲安出淑人生廷烈廷休安氏生廷默三子于于各不知自爲某某出淑人從公往返宦邸念翁與太夫人垂老自是多以副室行淑人留家協妯娌事翁與太夫人免令有離憂乃翁與太夫人亦各紓其懽心太夫人年踰七袞疾作思見公淑人速家人選醫慎藥禱神祇又籲天冀得公歸以慰太夫人懷公時在滇萬里未幾陟藩長過家三閱月乃服內艱人謂公厚德之報淑人積誠之感云公服闋五轉司空上卿逾年懇疏乞身先是人咸謂公雖念親至切必秩滿獲五世恩命方疏乞淑人曰死榮之孰若生樂之相公當不久見翁及報得請淑人大喜謂知相公心事時翁年八袞餘公以上卿承顏色養舉世中



外多之淑人乃瞿瞿手自治其務於洗腆日佐公與翁偕如是者三年而翁考終正寢淑人助公襄事凡殯斂附身附棺之具求勿之有悔猶其先年佐公治太夫人終事誠孝敬信雖老不替淑人所自出姓及于歸皆故富室且崇貴乃儉質不渝若起家寒素其於賓祭交承曲盡禮意又憐窮恤匱不吝錫予族比詬詈務攜解之和其室家不令與人校下逮臧獲有恩禮食推其餘衣給以時服任不過其力小過輒肯免之鮮見鞭笞婢侍時絲枲衣服謹其收襲菓品脯修精其區擇篋櫝圖書慎其覆韜取用時指點可得班班懿行雖葛覃所咏殆蔑以加諸世稱公於家事多不經心蓋其所務者大不屑屑於細小然亦以淑人之節約有方處置得宜克當公心無所撓其慮耳淑人初封孺人進淑人後膺夫人貴未封及疾不起公念淑人賢深悼之至以今昔起居異同語人其言護持廷默夜半生兒事云往吾第三子廷默夜半生兒悞以爲胎月未滿幾棄弗舉淑人聞兒啼聲忙披衣衝寒冥行索衣溫抱之無恙昨見其嬉戲愈益酸辛云噫淑人誠慈賢哉聞公之言想見景象亦有戚戚不可已者今之女範微



通義故氏家譜
斯人孰或徵之淑人生弘治壬子九月四日卒嘉靖壬戌八月四日享年七十
有一子三人長廷烈娶程氏太學生先淑人卒次廷休娶周氏太學生俱淑人
出季廷默娶汪氏太學生安氏出女一適許采淑人出孫男九人孫女六人其
子廷休等將以後十有五年丁丑秋八月辛酉奉淑人之柩厝於龍朝灣山之
陽以胡嚴州通判所撰次狀文來予且曰幸有以永母氏夫人之賢公亦馳書
速予寧惟古昔窈窕之賢宜配君子其生也關雎有咏景德也淑人之賢若斯
誠宜配公今逝矣閨儀婦德允宜有銘寧不獲辭銘曰坤道其順慈與孝先慈
德孰難徵其生全厥月未彌午夜翩猥牽裳赴之以有長年咸屬於毛湛恩如
泉膠木可咏關雎有篇天相夫子立茲嬋媛更僕細行煌煌滿箋爰測方宜襄
事惟虔淑人之封夫人之阡

處士節菴胡君墓誌銘


歷官兵部尙書

張


鏞

南昌人

節菴君者屏嶼翁仲子今都察院右副都御史承菴公弟也公將赴鎮語予曰
吾鄉也恃吾弟輕四方之遊吾父亦觴咏外無餘務今也得乎然吾不免於遊



而吾父春秋高非可勞之日甚矣吾之失所恃也語訖且泫然不能已已遂以張司訓所屬狀俾予銘君姓胡氏諱柏字秀卿世爲績人君性穎敏幼偕承菴公並業舉子及承菴公貴君曰吾兄弟二人耳吾固有職也遂絕意仕進以養親爲己任善幹濟不以家政煩屏嶼翁翁意興到輒將順之擇嘉山川營別墅圖史玩好畢具徵翁之志好同而年德相尙者歲時爲林泉會熙熙如也又構榮隱堂若干楹以居翁承菴公過家爲壽旣而省君所以順翁者乃歎曰吾固爲親圖而不暇也何幸有吾弟哉公每過家每壽翁畢君卽促公行去曰無怠國事君慷慨識大義承菴公爲御史嘗疏斥廢儉已而廢儉用且柄人曰危哉君曰無患天子優容直臣如其罪焉職也臣而得職榮莫大焉繇是屏嶼翁無弗慰者及公謫遠君迺使人馳書以賀公得書慶曰吾奉職無狀方虞親之不足釋也何幸有吾弟哉吾庶幾兩無負矣處家庭怡愉無間居三十年所裕資產未嘗以言而承菴公於婚嫁子女亦不問皆委之君也君喜施里有待君以舉火者不啻百餘家嘗倡衆構縣北石橋不吝贏費巖險以濟邑人賴之母方



淑人遘疾念不見伯氏君以天意譬解無何承菴公果以遷秩至留三月淑人
逝君執喪過哀乃疾革人謂君家食百口何以詒之君不答惟恨不能終人子
而勉伯氏以弘濟云君生弘治乙卯四月二十三日卒以嘉靖乙巳七月三日
享年五十一曾大父諱庸大父諱有明贈雲南右布政使司右參政父屏嶼翁
諱淳封監察御史加封雲南布政使司右參政祖妣馮妣方皆淑人配周子男
三廷勳聘許廷廉聘張廷然聘孫女一適張烈卒葬一都仁和門楊家塢之原
嗚呼世恆謂成人之善父兄也乃賢子弟亦足以賴乎如君者豈惟竭力於所
事也承菴公自筮仕無內顧憂遭顛躓不貽戚於親而秉德宣猷致位通顯雖
分義得于天性然有良助焉不惟恃君以家也夫君不躋遐壽食報而不旣其
猶在嗣世歟銘曰仕也能養績茂而崇養也以仕飫馨而榮如彼輪轂運載攸
同遺報弗食後祿其豐


胡母程太恭人墓誌銘

癸卯翰林院編修
安徽督署秘書長


王震昌

字孝起阜陽人

太恭人姓程氏爲宇和胡公之繼配澤山同年之生母休寧率溪人也環率溪




餘十里皆程姓爲休寧望族恭人年二十五歸胡公贈朝議大夫贈公績溪人而治藥業于休寧屯溪元配汪恭人生子三恭人生子三女二食指繁家計益重恭人力撙節以佐之贈公長於恭人十五年先恭人卒恭人嘗訓誡其所生曰汝父一生忠實與人處乃恆見欺給汝等宜急謀自立須知汝父固有子且生孫今復竭盡心力爲爾等讀書若不能習苦向上承父志則娶我爲多事兒等爲不孝矣然則如佐岐澤山者謂非得母訓激勸之力耶佐岐選光緒丁酉拔貢生爲鎮洋宰澤山癸卯成進士以禮部主事改官爲都昌長寧宰當板輿奉養之日恭人年已七十五矣顧謂家人曰若父在不知若何意足也先是恭人之歸也粵寇正熾里人咸譁竄以故匕箸醯醢不及設合盃之燕缺如恭人嘗引以語兒息寇定後贈公於煨燼中理先人舊業家事悉付恭人恭人鹽齏釵布一以勤儉爲旨針線補綴恆至夜分不輟日且持具赴肆市菜蔬見者不知其爲太夫人也鼎革後佐岐昆玉皆家居或勸之行恭人戒之曰爾勿爲家貧親老憂予固能安貧者且曰爾等非應世才出亦奚爲蓋知子莫若母也晚



年患下元虛症佐岐以葠進恭人曰吾雖老齒尚健能飯奚葠為後勿爾勸之
 至再乃間日一服或三四日一服焉生於道光乙未年八月十六日卒於民國
 七年十二月享壽八十又四歲有子六長位台次位彭三位品皆周恭人出恭
 人生位召行四五位周即佐岐六位咸即澤山女二長掌珠適同邑仁里程次
 雲珠適本城葛孫男十女孫五曾孫九曾女孫三玄孫二以民國二十四年乙
 亥十一月卜葬於休寧東鄉丙邱巽山乾加辰戌澤山以狀來年姪阜陽王震
 昌為之銘曰賢婦良母家之瓊玖伊古女宗厥惟歐柳宅兆奠安佑啓爾後

華為不幸矣然限於山岳而葬於地也夫葬也者人之終也而人之始也
 主祭本於祖盡心以祀而祭者不特皆苦向主承父志限於地也而事以
 曰好父一主亦實與人與以禮良其誠也事宜後自也歟映父之圖育子且
 重恭人氏葬於休寧東鄉丙邱巽山乾加辰戌澤山以狀來年姪阜陽王震
 而欲築業于休寧中第天賜王恭人主于二恭人主于二女二食節業宗信益
 德千里皆其德也休寧東鄉丙邱巽山乾加辰戌澤山以狀來年姪阜陽王震



遵義胡氏宗譜卷十

像贊

容縣令胡公像贊

潘潢

見前
嘉靖十一年

予與憲伯承菴先生同官在閩見賢思齊考德論世知君子之道其源遠矣乃紹德聞發幽光作厥祖容縣公像贊

夫貌之堂色之莊服之章也夫德之剛行之方負親之喪嘗徒步千里返葬外坦之陽匪躬之皇而民之傷貽孫謀之臧厥有以將之也

又

按察副使

陸銓

四明人
嘉靖十一年


銀魚墨綬功澤在民碩頤膚顙風度若神才孰競之而不崇其秩祝孰似之而以邑殉身豈辰有所弗值則志有所弗伸冥鴻冲霄折翼奔驥中道摧輪也耶遺像晚晚舊德振振惟弗究厥施以世乃聲于子孫傳不云乎明德弗當世後必有達人

景和府君像贊

裔孫松

嘉靖五年

貌古而豐氣肅而融靡偏靡黨惟忠惟公雖文采弗表於外而信義實裕於中



進義故比完詩
私第角巾郭有道之高標曠百世而如見揚善隱惡陳仲弓之德化越千載而攸同自世之衍衍施施於名利之場者觀之固以為拙而有識者則未始不以爲工噫嘻繼厥志而述厥事庶幾無忝吾祖之遺風也歟

高祖妣吳孺人像贊

裔孫松

嘉靖五年

以順爲正者婦道也立教於義者母道也爲人婦爲人母而弗克盡斯道者難乎免於愧爲人之婦之母也克盡之而後之人弗克表而章之者不孝也嗚呼若吾母也其真無愧於爲人之婦之母也夫而松也僭述所聞而言之其或庶乎免於不孝也夫

夫道夫處士像贊

即懋公

兵部主事

馮銜鎔

千里

謹言慎行無辱無榮其直如矢其平如衡噫斯人也誠所謂今人與居古人與稽者歟


東園公像贊

尋甸知府戴

祥

嘉靖六年

衣冠整肅而非拘體貌舒徐而非放得官義以爲榮致富仁而能讓桂子傳芳



爭誇鄉曲之英蘭孫挺秀已立雲霄之上枕傲羲皇翛然林下閒人杯存燮理
允矣山中宰相嗚呼本來面目恐周昉之難傳阿堵精神或劉琮之可狀也

眉岡公像贊

從孫松

於鑠惟公有碩其頎惟邦之崇有儼其服其德伊何厥度孔穆有莪其冠有展
其武惟澤之覃厥澤伊何有歲其薦其學則那于蒙之陰惟校之式克共厥心
厥教既振有繁其徒靡不克正厥操惟潔厥程惟嚴惟譽克疊有獲惟上下民
其觀民乃克尙惟蒙之噩乃克三授厥民嘉止惟民惟士厥化孔邇毓茲醇旨
既迺克歸攀稽靡遂林灼其輝霞情既洽玄懿克申貽茲嘉烈惟景厥儀乃崇
厥憲萬世之貽

潼峯公像贊

并孺人汪氏

姪松

肅然其貌修然其髭田園是樂德義是師急人之病而周之惟恐不及約己之
奉而甘之恆如其飴向使會昌期遭知己霑一命之寄則必攄力殫慮綽有聲
於世用而顧沉其光閱其輝竟弗獲一試徒令宗族興嗟黨里增慨惜莫究其

施爲嗚呼迹其闇如名其燁如不爵而榮其斯人歟
食不必豐惟腹之充服不必勝惟體之稱不必自己惟夫之子不知其庶惟夫
之娶夫無內顧子無外驚曷其能然惟母之故母道婦道古難其全兼而全之
于母見焉

尚書公像贊

像見後幅


裔孫位咸

瞻公之像清高敦重博帶峩冠鬚欲髮動公之治績邦土司職利在民生功在
社稷公之遭際一秉堅貞進固非倖黜亦足榮公之氣節不激不撓陳善閉邪
正色立朝式公之閭惟孝與友讀公之書惟歐與柳公福無量老猶具慶公德
無量榮及子姓

儒林胡母安氏像贊

唐大雅

瞻之維何厥儀孔肅究之維何厥心孔篤克恭克順惟閭之慎女則是欽雞鳴
是咏載歌麟趾中饋嘉止士行尤敦惟仁克抵不吝彼秣惟飢是急惟彼寒者
惟帛是給惟貸者負罔虞彼詐惟券是燬乃不彼咋猗乎德人惟古之踐有厭



其傑司空邦媛疏奸履熾乃相厥直勇退禔身乃相厥逸忠巍節鉅惟茲翊翊
惟內媿美古之攸聞惟茲大姒以嗣徽音

處士節菴胡公像贊

嘉靖戊戌進士累官都察院右都御史兵部尚書總督浙江等七
省軍務加太子太保進少保諡襄懋著有籌海圖編三巡奏議

胡宗憲

字汝貞號梅林
同邑人

欽然其身炯然其心歷事故而練熟懷智慮而精明處家以順幹蠱惟勤是故
能逸以安其親使之放情以優遊林壑而都享夫至樂能敬以佐其兄使之一
意以經營王事而適成夫大名噫若而人苟膺之一命以展其才必能有爲于
世而徒倦懷其珍虧其爲人中之豪英也矣


鏡峨公像贊

嚴州通判

胡文彬

同邑人

厥名廷烈字曰汝揚太學名士司空長郎風骨清癯金相玉質聲氣簡默垢章
坤囊青衿樂育柔懦溫讓少年老成渾厚端龐輪奐新居略占經濟孝友克政
足兆賢良共擬公著夷簡先後豈期純佑仲淹盡傷天道有定世德發祥鳳雛
炳文蘭芽茁芳形神有託而熾而昌其年雖短其澤則長我作贊詞潛德之光



敬瞻遺像百世不忘

石屋山人像贊 有序

裔孫榮珂 光緒二十年

石屋山負石鏡之背其石穹窿宏覆如屋下可坐數十人前有泉上噴為驪珠沼東行有谷豁然夷衍田疇秩秩竹木蒼蔚中有復陽書院乃族祖方石公諱廷廉晚年有志參同時所建俗

稱為煉丹祠祠左右有十八洞天而以復陽洞為之冠海棠洞次之由海棠西轉為青玉峽又上為流雲洞中有泉味冽可釀酒洞前巨石為天生橋橋下川流潺潺然有聲至伏虎洞匯為

潭狀若斧為蛟龍宅稍折而南有石峭立為躡虹臺臺下則為石屋山房水環其前南與白泉合流入登水先尚書承菴公讀書於此方石公自同州致仕回復罄買山之貲起崑崙十二樓

曲水流觴宛然山陰風景著有石屋志專紀山中之勝入本朝我祖快齋公又建書館於右方今亦圯焉初山人嘗鑄鐵像其中故時人呼為鐵官人云

石屋山高直接雲十八洞天蹊徑一新誰其尸之為鐵官人官人好客至耽

丘壑曲水流觴履舄交錯三百年來誰喻此樂洞天常開時有神來百鍊之體

不生莓苔樵斤牧斧未敢殘摧咄咄官人作事奇怪藐然此身久而不敗聖人


踐形官人受戒憬心扑面萬夫瞻拜莫疑生鐵錯鑄而成由趙御史溯宋廣平

輝輝氣宇茫茫典型官人此像乃其雲仍

定榜先生像贊

謝觀虞 蘭陵人

黃山峨峨皖水沄沄篤生君子如玉如金為善最樂啓其後人式瞻遺貌永懷



德音

敬軒公像贊

安徽省政府委員兼財政廳長

葉元龍

歙縣人

於鑠先生居義由仁熱心公益扶危濟貧以身作則化及鄉鄰寶茲遺像矜式羣倫

又

胡晉接

字止澄同邑人

做人根本自立為首守信耐勞成功之母惟公誕育大亂初平賢母鞠養備極辛勤服賈浙蘭無父何恃境愈艱屯愈益求己勤習書算人十己百雖未入塾而工書法所得辛資奉母唯謹一毫勿私孝心誠懇馳譽商場發名成業德義可風永留遺澤


吉之先生像贊

蔡元培


山水清幽風俗淳厚毓生善士慈祥孝友提倡國貨調劑鄉評偶有挫折無間經營如何不弔壽盡八六道貌藹然遺愛彌篤


又

胡樸安



瞻公之像清高敦重
 博帶我冠鬚髮欲動
 公之治績邦土司職
 利在民生功在社稷
 公之遭際一秉堅貞
 進固非倖黜亦足榮
 公之氣節不激不撓
 陳善閉邪正色立朝
 式公之問惟孝與友
 讀公之書惟歐與柳
 公福無量老猶具慶
 公德無量榮及子姓
 尚書公遺像
 乙亥二月翁孫世誠謹識





尚書松公年表

附

弘治三年庚戌九月十四日酉時生

正德八年癸酉科舉人 二十四歲

九年甲戌科進士是年遭大父喪 二十五歲

十年乙亥授浙江嘉興府推官 二十六歲

十四年己卯授陝西道監察御史 三十歲

十六年辛巳授山東清軍監察御史 三十二歲

嘉靖元年壬午引疾歸里 三十三歲


六年丁亥病痊復除浙江道監察御史為劾桂萼引用王瓊事左遷廣東

廉州司理 三十八歲

八年己丑陞江西廣信府同知 四十歲

九年庚寅授福建按察司僉事 四十一歲

十二年癸巳陞福建布政司右參議 四十四歲



十三年甲午遭大母喪 四十五歲

十四年乙未授河南兵備副使 四十六歲

十六年丁酉陞雲南布政司右參政 四十八歲

二十年辛丑陞貴州按察司 五十二歲

二十二年癸卯陞廣東布政司右布政六月丁母憂歸里 五十四歲

二十五年丙午起服復授廣東布政司左布政 五十七歲

二十六年丁未陞都察院右副都御史總理河道 五十八歲

二十七年戊申總督漕運兼巡撫鳳陽淮安等處 五十九歲


二十八年己酉授戶部左侍郎總督倉場 六十歲

二十九年庚戌除工部尚書十一月因病乞骸骨歸 六十一歲

三十二年癸丑丁父憂 六十四歲

四十一年壬戌喪偶汪夫人卒 七十三歲


隆慶二年戊辰晉階榮祿大夫位一品 七十九歲



六年壬申七月二十七日卒享春秋八十又三歲

萬歷三年諭葬諭祭

五年丁丑八月辛酉卜葬于五都龍朝灣



二十二年庚子...

二十三年辛丑...

二十四年壬寅...

二十五年癸卯...

二十六年甲辰...

二十七年乙巳...

二十八年丙午...

二十九年丁未...


三十年戊申...

三十一年己酉...

三十二年庚戌...

三十三年辛亥...

三十四年壬子...



遵義胡氏宗譜卷十一

品類

孝友

傑 家昇 家傳 光聘 光運 光開 光倫 光擢 光觀

承懃 承德 以上見縣志

本敦 裕熙 裕照 樹槐 嗣遠 嗣達 以上見省志

忠節

定毅 母程氏 妻章氏 子位魁 媳程氏 女鳳蓮 夢蓮 孫女翠任 婢元體 僕婦程張氏 闔門殉難


發浩 族人同死難者 名槐 名宗 定有 定富 定發 定炎 定榮 定位 定新 定淦 定澤 定國 定和 定輝 位倫 位西 共十六人

嗣通

榮銓

義行

金殿 本敦 本厚 裕斫 嗣奎



儒林

廷勳 景燠 銘琦 源憲 霖浹 在田

文苑

景燦 愷 霖沛

以上均見省志

學林

廷廉 士藻 紹聲 瑞里 瑞笈 甸春

鄉善


以珍 昌 懋恭 仁

尚義

淳 正會

以上均見縣志

封贈



有明

以孫松贈中大夫雲南布政使司右參政
配馮氏贈淑人

淳

以子松封文林郎陝西道監察御史加封中大夫雲南布政使司右參政
配方氏封孺人加封淑人

名榜

以孫位咸贈朝議大夫禮部主事
配余氏繼配江氏贈恭人

誥敕燬於己巳屯溪朱匪之劫

定烈

以子位咸贈朝議大夫禮部主事
配汪氏贈恭人

名臣

松

明嘉靖都察院右副都御史工部尚書進階一品

薦辟

原

明廣西桂林知事

仕宦

傑

明廣西容縣知縣

賢

明山東蒙陰縣訓導

廷杰

明南京鴻臚寺序班

廷勳

明西城兵馬司指揮

湛

河南布政司參議

懋綵


直隸保定府同知

懋緒

直隸固安縣知縣

景熺

國子監典簿



廷廉 明陝西同州府同知

景輝 直隸河間府通判

至貞 明浙江金華府教授

景煌 直隸涿水縣知縣

堅 明北直邢台縣縣丞

景耀 中書科中書

士藻 清江蘇高淳縣訓導

天采 直隸博野縣教諭

名樹 清浙江江山縣縣丞代理江山知縣

天培 京府西路廳兼同知

位周 清江蘇鎮洋縣知縣兼代太倉直隸州知州

位咸 清禮部主事選授江西長甯縣知縣署都昌縣知縣

科名


賢 正德歲貢 松 正德癸酉科舉人甲戌科進士 堅 副貢 至貞 天啓歲貢

士藻 順治歲貢 紹年 金霽 定昌 均乾隆歲貢 位周 光緒丁酉科拔貢

位咸 光緒壬寅科舉人癸卯科進士 嗣運 光緒壬午科副貢 榮璆 光緒癸巳歲貢

學校

位庚 省龍門師範畢業 位咸 前清進士館畢業 裕元 前清法部律學館及中華大學法律科畢業



裕杰 上海南洋中學畢業
裕厚 上海南洋中學畢業

嗣堃 上海倉聖明智學校畢業
榮寶 南京海軍雷電學校及北京交通部郵電學校畢業

榮琛 安徽省立第四師範本科畢業
榮鎬 中學畢業
榮錦 中學畢業

昌熾 前清京師大學堂理科畢業
昌佑 東山學堂畢業

節烈

位樞妻高氏 本茂妻程氏 裕德妻舒氏 發浩妻馮氏

裕忻妻程氏 壽根妻章氏 毓英妻周氏 阿義妻程氏

貞孝


蔭大聘方氏 以上見省志

列女

庸妻汪氏 毓和妻汪氏 廷熹妻黃氏 廷烈妻程氏

學妻黃氏 至忠妻許氏 光弼妻鄭氏 承瑟妻汪氏

增妻方氏 紹聞妻汪氏 名信妻章氏 名華妻張氏



正方妻章氏 銘班妻吳氏 銘備妻唐氏 允鍾妻程氏

允鏗妻金氏 以上見縣志 名榜繼娶江氏 昌熾妻章氏

待旌

忠義 列表彙案呈省待旌者

位棟 發壽 嗣庸 榮桂 本庚 本廉 本桂 位聚 位鞍

裕偉 裕全 本聚 嗣遠 長安 蔭茂 壽安 蔭盛 蔭高

蔭厚 蔭光 蔭邦 蔭久 天妹 勝保 有寶 啓寶 文田

文印

右孝友以次等類事實均已分別詳註系圖名下茲不復贅謹將名氏彙錄以資觀感如義行尚義儒林學林等名目重複係仍省志縣志原稱


技藝

滌 精醫理生平用禁方活人甚多不以爲利

堯封 工六法當時與文待詔齊名

定福 善雕刻凡竹木牙石作品均極古雅

在田 工水墨梅花里人爭寶之




裕鏞 十齡能作篆隸惜不永年

裕藩 擅相生美術十一齡能製各色燈彩燄火紙鳶獨出心裁為時工所不及

嗣述 祖傳日者學別有心得兼工算術拳術

榮珂 精算學庚寅科試第一人入泮

技藝之末昔賢鮮道其實良田千頃不如薄技隨身能擅一技之長者亦資不朽故另列技藝一門略舉一二以為後人勸



...

...

...

...

...

...

...

...

...

...

...

...

...

...

...

